


# NGIMBA U MBEPO

## MWIKEMO YO FIKI?

 ...nubukafu panongwa ya lukomano. U lukomano ulu lukuyaga lukomano ulukĩndane panini ukukĩnda iki uswe bwĩla tukuya nalo apa. Fiyofiyo, akabalilo kalikosa bo uswe tukwisa palikimo apa, ulwene lo lukomano uku... panongwa ya kubũmbulusya ababine kangĩ kuli fyakufũmbwa fyamumbili. Ukutitimisya kwãke kukubĩkigwa pa ikyo. Loli ikilo iki uswe tulwãndĩle ulusasanio ulu panongwa ya bubumbulusyo bwa moyo, u—u mbepo gwa mundu.

Loli, u Ntwa itikisyeye, ulubunju lwa Ndungu, ku sukulu ya Ndungu, ulubunju lwa Ndungu, uswe tukubũkãga pakuya nu lwĩpũto kuli ababine kangĩ ulukĩndi lwa bwĩla lwa lubũmbulusyo, kuli u lubũnju lwa pa Ndungu, u Ntwa itikisyẽge. Kangĩ ikilo sya ndungu ugu, uswe twe mbunywãmu tukugutigwa ukuyoba pa fĩndu i Fyasyẽpwa kuli u—u moyo.

<sup>2</sup> Lilino, uswe tumenye ukuti akabalilo kako u—u mbili gubumbulusigwe, ikyo kikupela uswe ukuya basangaluke, panongwa yakuti uswe tumenye ukuti ikylene naloliloli kikunãngisya ukuti Kyala gwĩtu ikubumbulusya ababine. Lõli u mundu umbine yula, linga abẽne bikwitũgãla nu bũmi ubutali ukufwãna, lumo bisakuyaga babine kãngi, lumo ni mbũngo yilayila iyi abẽne bãbumbulusigweko, kangĩ ikyo kitikusõsyapo ububũmbulusyo mma. U ngãnga isakukupa ugwe unkota gwa filaso, kangĩ lumo amasiku mabili pankyẽni abẽne bisakufwaga ni filaso ukufuma kubafumusya abẽne ukuya kanunu. Ikyene kikuboneka kangĩ. Lõli akabalilo kako u moyo gula gubumbulusigwe, ugwe uli nakyo akabalilo kala, mwa ugwe, u Bumi Bwabwilanabwila.

<sup>3</sup> Kangĩ une ngwitika ukuti uswe tuli kifuki fiyo ku Kwisa kwa Ntwa Yeso, ukuti ikyẽne kikwisa kwa uswe ukubõmba kyõsa iki uswe tubagile ukutwãlãmo umoyo guligõsa ku Kitãngalãla, kangĩ ukutwala i Kitangalala ku bandu, ukuti uswe tubagile ukubumbulusigwa ukufuma ku mbepo syitu. Une ngwitika ukuti u mbili gwa Yeso go mbili umbine ukukinda gosa ugu une ngumenyemo; uko kokuti, u—u mbili, ugwamwambepo umbili ugwa Kristi pa kũsu, go mbine fiyo.

<sup>4</sup> Kangĩ lilino, uswe tutikubãtika ukubakyunga umwe fiyo akabalilo katali fiyo aka kilo, panongwa yakuti pa kilo kyãkwãnda uswe tukaya nu fwãsi ukutũgasya abĩnitũ abaganigwa. Uswe tuli mu kabõmbõ ka kuyẽnga i kipãnga ikipyã, ikitẽmbe ikinywãmu papapa apa pa fiyabo ifi, pamo

kulikosa kũko u Ntwa isakulongolelaga; lōli na mũmo uswe tukumanyila, apa.

<sup>5</sup> Kangi lilino uswe tukupa panja u lukomano, Kitatu mpaka pa Ndungu. Loli polelo pa Ndungu, ko kwĩgala mmasiku ga Krismasi, loli ikyene. . . akabalilo kalikosa u Ntwa ikutubula uswe ukwimika, ako kisakuyaga kabalilo. Uswe tukamanya itolo iki ifyakukōnga fisakuyaga. Lōli ukwitika ukuti abakamu apa pa kitembe kangi ifipānga fyitu ifyabulumbu (iki kyo, kimo mwa fila kyo—kyo kipanga kya bwikemo ku Utica, iki Nkundwe Graham Snelling yo ntimi, kangi mu New Albany kũko Nkundwe—Nkundwe Junie Jackson yo ntimi, kangi pōpe panja pa nsebwe-unywāmu kũko Nkundwe Ruddell yo ntimi), uswe kangi abēne bo, ifipānga fyapabulumbu fya kipānga iki, uswe tukugela ukutwala i. . . abandu bitu mbulilanisi bumo na Kristi. Iyo yo fundo yitu. Polelo une nsalile ukubala nukumanyisya pa, ku kilo isi sikwisa. . .

<sup>6</sup> Ikilo iki une ngulonda ukuyoba pa kimanyisyo kya: *Ngimba u Mbepo Mwikemo Yo Fiki?* Kangi kilabo nkilo, une ngulonda ukulumbilila pa: *Ngimba Ikyene Kyapegigwe Panongwa ya fiki?* Kangi pa Kihano nkilo. . . Kangi, ku begeleli, une ndikulōnda iki ukwegeleligwa Kihano nkilo: *Ngimba Une Mbagile Bulebule Ukuya Na Mbepo Mwikemo?* kangi *Ngimba Une Ngumanyaga Bulebule Akabalilo Kāko Une Ndinakyo Ikyēne?* Kangi polelo uswe itolo twisakwitikisya, polelo ukukēta iki u Ntwa isakulongolelaga uswe, panongwa ya Mpyagilo kangi Pandungu. Kangi ulubunju lwa pa Ndungu, ubulumbilili bwa bubumbulusyo, kangi ubulumbilili ubungi ubwa bubangeli pa kilo kya Ndungu.

<sup>7</sup> Kangi lilino uswe tukulonda aligwesa ukumanya ukuti. . . Kangi une mmenye ifyēgeleli fikukina nkyumba ikya kunyuma, kangi uswe tukulonda ukuyoba iki. Panongwa yakuti, mu ngomano isi bo ulu, pa luko lwabubangeli, uswe tuli na bāndu ukufuma ku fipānga-fipāguke fya fipānga ifikīndāne aba bamanyīgwe mu kusyungutila kwābo bēne ifya kwitika, aligwēsa yumo. Kangi ikyo kyo kili kanunu mōsa. Une ngalōndāmo siku ukuya ntobesigwe gwa kukubyālīgwa ulufuluganiko pakati pa bakundwe. Kangi pānja mu ngomano, une itolo ngulumbilila pa fikulumba ifyabubāngeli u Bwānaloli bwa Lisīmbo, pa iki abakūndwe aba bikuhōmbela ulukomano lwāngu bikwitamo. Loli, mu kipanga apa, une—une ngulonda ukuyoba pa iki uswe tukwitika. Polelo, linga ugwe—linga ugwe utikukupilikisya ikyēne, une ngusangulukāga fiyo ukuya na kakalatasi kanini pamo akasimbe ukufuma kwa ugwe, ukulālūsya une ililālūsyo ilya—ilya nongwa ya fiki uswe tukwītika iki lula. Kangi une ngusangulukaga ukugela ukulīngānia ikyēne nubununu ubu une mbagile.

<sup>8</sup> Umwe mumenye, ikipanga kilikyosa, linga ugwe ukuya nakyo ikimanyisyo, ugwe ukaya kipanga. Ugwe kufimbilisigwa

ukuya nakyo ikindukimo iki ugwe kwimila, ifundo yimo iyi ugwe kukolelela mmwanya. Kangi kisitakupasya ikya iki ubufumilo bwa mundu pamo ikipanga-kipaguke kibagile ukuya, linga u mundu yula apapigwe mwa Mbepo gwa Kyala, uyo yo nkundwe gwangu pamo kalumbu gwangu, kisitakupasya isya. . . Uswe tubagile ukukindana mu findu ifingi, nu butali bwa kubusokel'isuba ukufuma ku bwingil'isuba, loli uswe tukali bakundwe. Kangi une angali ndikubomba nakimo loli ukugela ukuntula unkundwe yula panongwa ya ubwakifukipo, ubwendelo ubununupo kwa Kristi. Kangi une ngwitika aligwesa ugwanaloli, u Nkristi ugwabwanaloli abagile ukubomba kilakila kwa une.

<sup>9</sup> Lilino, une ndalusisye ikipanga iki. . . Lilino, uswe tutikwilingila mu iki itolo ukuya lukomano ulutali. Une ngulonda ukwingila mu iki, kangi une ngulonda umwe, nukubasuma umwe, ukokya ululato lulilosa ulu luli kunyuma kwa umwe, kangi tendeka ubutulwanongwa bulibosa ukuya bununu, ukuti uswe tukwisa mu iki na fyosa ifi fili mu ndumbula syitu kangi na mabumi. Uswe tukufimbilisigwa ukwisa apa kuli ubwigane bumobwene ubwa kufikisya imyoyo gyitu ukuya gitendekisye kuli u Kwiswa kwa Ntwa, kangi kuli nabumo ubwigane ubungi mma. Kangi mumo une mbulile kangi njobile, ukuti lumo utubalilo tumo une mbagile ukumanyisya pamo ukuyoba ikindukimo iki kibagile ukuya kikindane panini ku iki yumo uyungi, injila iyi abene balitike ikylene. Une—une ngabombile—ngafikilemo ku matati, umwe muketile, une—une kwisa. . . Uswe tuli apa ukutendeka ukwitendekesya u Kwiswa kwa Ntwa. Kangi une ngwinogona ukuti akabunganie akanini aka. . .

<sup>10</sup> Une ndinabo abakundwe abayatila bamo na une apa une mmenye, ukufuma mabuyo amakindane, kangi uswe tusangalwike ukuya nabo abene. Kangi kisita kwilamwa loli iki panja pa kilundilo pala, balipo abangi ukufuma panja pa kaya, ukufuma panja ukufuma ukusyungutila utwaya twitu utwakulunganisania apa. Kangi uswe tuli basangaluke ukuya na umwe, kangi fiyo ukuya bakupalisya ba umwe, linga umwe mukutugana uswe kanunu ukufwana ukwisa ukupilika ifindu ifi. Kyala. . . Ugwe uli egaga ku kaya na ugwe, nkundwe gwangu, kalumbu, ifyuma ifikabi-fiyo ifi Kyala abagile ukonenela mu ndumbula yako, lo lwiputo lwangu.

<sup>11</sup> Kangi ku katembe akanini aka, ukuketa ukuti une ngwitika ukuti ikylene kyo kimo mwa bandu banunu ukukinda bosa aba une ngwitika ukuti ikyo kyo kili pa kisu, kikubuka ku kipanga iki. Lilino, une ngayoba “bosa” abanunu-fiyo abandu. Une njobile bamo mwa bandu banunu-fiyo pa kisu bikubuka ku kipanga iki. Loli bo ilisiku ni lisiku, ukwilingila kangi, ukufuma ku lukomano ukubuka ku lukomano, une nguketa ulufumbwo ulukulumba ulwa kipanga iki, ulufumbwo ulukulumba mu ikylene, kangi ikyo kyo kuli ukwisusigwa, pamo ukukemesigwa,

ubūmi ubusolofu, ubwēndelo ubwakifukipo na Kyala. Kangi une mfingile abēne ukubomba iki, ukuti ndi ni Ndumi iyi ku bene. Kangi uswe tusangalwike ukukutwāla ugwe nkati nukulilanila na uswe ukusyūngutīla i Lisyu lya Kyala, bo uswe tukumanyisya nukugela ukutwāla panja.

<sup>12</sup> Lilino, ikilo itatu isyakwānda uswe tutisakwēgaga ikimanyisyo ukulūmbililapo mma, lōli i Ndumi ukumanyisya ukufuma ku Lisyu lya Kyala.

Kangi lilino, kabuno, une ngabagila ukulālusya aligwesa ukubomba kalikosa aka une ngabagila ukubomba pa nimwene. Kangi undungu ugu go gufumile pakuya Kalvari lōsa kwa une. Une nāli kifuki fiyo ku—ku kugw’ingisi mōsa, mūmo mbagile ukukibīka ikyēne, mpaka une nāli kifuki nasyūtilem’untu. Lōli une lōsa ndekīsye ubwīgāne bulibōsa, kangi kilikyōsa iki une nkimenyepo, ku Ntwa.

<sup>13</sup> Ikilo ikīngi, ku kifuki panini ukufuma pakilo-pakati, unkasi gwāngu na une, ukufuma pāpo twītugēsye, kangi twīpūtaga kangi tukuyoba ku Ntwa, ukukilania akabikapo-filundi kanini mu i . . .ikyūmba kyītu ikyapankyeni, na maBāngēli mabili gigwīke, uswe tulinkwikēmesya twībene mbupya kwa Kyala, kuli ububōmbelo bōsa, ukuti uswe tukulekesyaga amabwīgāne gitu twībēne, kangi kilikyōsa, kangi lilikyōsa ilīnogono ilibībi, kangi ukubōmbēla u Ntwa Yeso.

Kangi une ngusūbila ulo luyīle lwīnogonelo lwīnu, nūmwe, ukuti umwe mubōmbile ikindu kilakila. Polelo akabalilo kako uswe tukwisa ikilo iki, uswe tukwisa ku buyo ubwikemo, pakati pa bandu aba bīputilāga, kangi ukupīk’ifīndu, kangi ukupela ifyakwilāta, kangi ukwītendekēsya ukwāmbilila ikindukimo ukufuma kwa Kyala. Kangi une mmenye ukuti umwēne yūyo isakwīsa ukuya ni njala atisakusōkāpo ukuya ni njala, lōli Kyala isakuswīla nu Nkati gwa Būmi.

<sup>14</sup> Lilino, bo uswe tukāli ukubala ukufuma mwa Būku Gwāke unkemesigwe, unko uswe twinamisye imitu gyitu itolo pakabalilo ku lwīpūto.

<sup>15</sup> Ntwa, lutalile lulipo u lwīputo lupēgigwe mbuyo ubu ikilo iki. Syālīpo pala . . . inyimbo sya Siyoni sīmbigwe na bāna Bāko. Indumbula syabo sifyusīgwe mmwanya. Kangi uswe tufikile apa ukwīkemesya twībene kwa Ugwe, nukwīputa Ugwe ukufuma ku busolofu bwa moyo gwitu. Kangi uswe tukukōlela iki ku bukumbukilo Bwāko, Ntwa, ukuti Ugwe gwāyobile akabalilo kako Ugwe kwītugasya pa kyamba nukumanyisya abafūndīgwa Bako, “Basayigwa bo bene aba bikuya ni njala ni kyumilwa kuli ubugolofu, kabuno abene bisakwikutisigwaga.” Ugwe gwāfingile ikylene, Ntwa. Uswe tukwisa ikilo iki ni ndumbula syitu inyīguke. Uswe tukwīsa, ni njala ni kyūmilwa, kangi uswe tumenye Ugwe kukyūngaga ulufīngo Lwāko.

<sup>16</sup> Bo uswe tukugela ukwigúla amani aga aga i Bāngéli, ukubala ukufuma ku Lyene pa fyankati, u Mbepo Mwikemo ali egaga Ilyēne ku ndumbula yiliyosa. Kangi i Mbeyu yila yili gwàga paasi mbusolofu, ulwiitiko ulukabi ulu lwisakutwaala panja ulufingo lulilōsa ulu i Lisyu lipelile. Tupilikaga uswe, Ntwa, kangi nukutusuka uswe, kangi tugelaga uswe. Kangi linga pabagile ukuyapo kalikōsa akāndu akafitano ukusyūngutula uswe, Ntwa, bulibōsa ubutulwanongwa ubusitakulātigwa, kalikōsa aka ko kakaya katalusye, setulaga ikyēne itolo lilino, Ntwa, uswe twisakwēnda kulakula ukutalula kangi ukubōmba ikyēne, kabuno uswe tukusyagania uswe tukwitugasya mu misyūngúlu gya Kwisa kwa Ntwa Yeso. Kangi uswe tuli nabo, O Mwikemo Kyala, isaga mmisyungulu gya bugolofu Bwako—Bwako ikilo iki, kangi uswe tukulāmbila ulusayo ulupya, kangi ulwikemesyo, kangi ukwisusigwa kwa Mbepo Mwikemo mu myumi gītu.

<sup>17</sup> Tukukēta imyoto gwa lusanio gikwānda ukusima, unko uswe tusopepo imbabu ya Lisyu, ukuti Ilyēne libagile ukwāsya u moto umpya, ukuti indumbula syītu sibagile ukuya sisusigwe nu lwīyūle. Tukemesyaga uswe, Ntwa, ukwisila mu Lisyu Lyako ilipala ni Lilopa Lyako, ni lipyana Lyako, uswe tukulamba. Kangi imbālisyo syōsa kangi ulutufyo fisakuyaga Fyāko. Ega ulubēngo lōsa ukufuma ku ndumbula syītu. Tusukāga uswe, O Ntwa. Tupapo uswe indūmbula imbelelesye, kangi amaboko amasukigwe, kangi aminogonelo amasukigwe, ukuti uswe tubagile ukwisa mu bukemusyo Bwāko, kilo ukufuma kilo, tukusangaluka kangi twīsusigwe na Mbepo Gwako. Uswe tukusuma iki mu Ngamu ya Yeso, kangi panongwa Yake. Amen.

<sup>18</sup> Une ngulonda ukubala i Lisyu itolo lilino. Kangi bo. . . Une ngubalālūsya umwe ukutwāla ama Bāngéli gīnu, amasīmbi gīnu, amakalatasi gīnu, kuli Masimbo. Linga ugwe lūlo kunyonywa lūlo, ikyene kikuyaga kinunu fiyo. Kangi lilino akabalilo kako ugwe kubuka ku ntu gwa 7 ugwa Imbombo, ukwanda itolo; ukwāmúla ililālūsyo, pamo ukwānda mu lyāmulo lwa lilālūsyo: *Ngimba Mbepo Mwikemo yo fiki?*

<sup>19</sup> Kikayapo nakimo iki kisakupōnjōla Sētāno, kikālipo nasiku nakimo pa kīsu mpaka nalino iki kibagilemo siku ukumpōnjola Sētāno, bo li Lisyu lya Kyala. Yeso ālibōmbile Ilyēne mu bwīte Bwāke ubukulumba; Umwēne alinkuti, “Ukwēne kusīmbigwe. . .”

<sup>20</sup> Kangi ulubunju ulu, bo une napilikisyaga, amasiku manandi aga gakindilepo, ku bufumusye ubu bwafwanaga bukulōnda ukuyoba ukuti ifipeligwa itolo fisile ukufuma ku mfwāndilo gumo gukupūtigwa palikimo, kangi u fosifeti yumo, kangi imikemo gimo imināndi gya kīsu, kangi ulūmu ululūngulano filinkupela imbeyu ya būmi kangi fyātwele panja u būmi. Mūmo kiyīlile kisekesye! Akabalilo kāko, ulūmu lwisakugoga imbeyu ya būmi yiliyōsa. Lāmbalika imbeyu panja pa lumu,

ulwēne lwisakugoga iyēne mbibimbibi. Kangi kikayapo ni kindu nakimo; loli Setano ikugela ukunfulasya ikyo kwa une. Kangi ukufuma pāpo une nālyegile u Rabeka gwāngu unnini ku sukulu ulubunju ulu, kangi pa nsebwe ukugomokela, une ndinkwanda ukuniongotola ukwāsya i rediyo apa kangi; kangi une ndinkwinogona ukuti une mfikege ifindu fila kangi, polelo une ndinkukisimisya itolo ikyene.

Kangi bo une ngukindilila pa lukindi, Setano alinkuyoba kwa une, umwene alinkuti, “Ngimba ugwe umenye ukuti u Nnyambala uyu uyu ugwe kunkolela Yeso āli itolo nnyambala bo, i lisiku limo mu lisiku Lyake, bo yu Billy Graham pamo Oral Roberts? Umwene āli itolo nnyambala uyu abene bikwanda ukuya na bandu banini ukusyūngutila Umwene nukuyoba Umwene yo Nnyambala unkulumba, kangi ukukindapo akabalilo Umwene alinkuya nkulumbapo, kangi polelo Umwene alinkuya u—u kyala ku bene. Kangi lilino ikyene kyo kibalani nkisu kyosa, ukufuma papo Umwene afwile, kangi isyo syo syosa.”

<sup>21</sup> Une ndinkwīnogōna, “Mūmo uyīlile nsyobi ugwe uli!” Kangi polelo une ndinkusyūmbutuka itolo bo une nākilaniaga u Lukīndi Graham. Une ndinkuti, “Setano, ugwe uyu ikuyoba ku mabyebye gangu, une ngulonda ukukulālusya ugwe ifindu ifinandi: Yo ywāni ikyēne kyāli ukuti abasololi Bakihiburi bāyobilepo ukuti isakwīsaga? Yo ywāni āli mpakigwe Mesiya? Ngimba kyo fiki kyāli pa nnyāmbala bala bābo bākētēlēngāni Umwēne kangi nukubūla isya būmi Bwāke, maelifu ga fyīnja bo Umwēne akafika apa? Yo ywāni ikyēne kyāli uyu āyobīle-ngāni ikyēne itolo ku lisimbo? Kangi akabalilo kako Umwene ikwisa, abene balinkuti, ‘Umwene ābaligwe na basobi,’ kangi Umwene āli. ‘Umwene afulasigwe panongwa ya ngilanio syitu,’ kangi Umwene aali. ‘Umwene āpelile ilipumba Lyake na bakabi, loli Umwene isakufyukaga mmwanya, i lisiku lyabutatu,’ kangi Umwene ābombīle. Kangi polelo Umwene aafingile u Mbepo Mwikemo, kangi une ndinayo Umwene. Polelo ugwe itolo kifwene itolo ukuti usokengeko ku Kyene, panongwa yakuti ikyene kisimbigwe mu Lisyu, kangi i Lisyu lililyosa lyo lyabwanaloli.” Polelo umwene alinkundeka. Mpapo itolo umwene i Lisyu, ili likubomba ikyene. Umwene akabagila ukwimikana ni Lisyu lila, kabuno Ilyene lipakigwe.

Unko uswe twānde ukubala ikilo iki mu ntu gwa 7 gwa Būku gwa Imbombo.

*Polelo alinkuyoba u mpūti unkulumba, Ngimba ifindu ifi fyo lūlo?*

*Kangi umwēne alinkuti, Banyāmbāla, na bakundwe, kangi tāta, pilikisya; U Kyala gwa lwīmīko ābonīke kwa tāta gwītu Abraham, akabalilo kāko umwēne āli mu Mesopotamia, bo umwēne akāli ukwitūgasya mwa Karan,*

*Kangi alinkuyoba ku mwene, Sokapo ukufuma pa kisu kyako, kangi ukufuma mu bakamu bako, kangi ukwisa nkisu iki une ngukunangisyaga ugwe.*

*Polelo alinkusōk umwēne ukufuma nkīsu kya Bakaladiya, nukwakwītūgala mu Karani: kangi ukufuma pala, akabalilo kākō ugwīse āfwile, umwēne alinkusāma ukwīngila nkīsu iki, mūmo umwe lilino mukwītūgala.*

*Kangi umwēne alikumpa umwēne nakimo ikilīngō mu kyēne, umma, nakimo ikīngi fiyo nukuti nukubikapo ikilūndi kyāke: napāpo umwēne āfīngile ukuti umwēne āngali ukupa ikyēne ku mwēne ukuya kyāke, kangi ku luyūngu lwāke ukufuma ku mwēne, akabalilo kākō mpaka na lino umwēne akāli nu mwāna nayumo.*

*. . . Kyala āyobīle mu njila iyi, Ukuti u luyūngu lwāke lwikuyāta nkīsu ikihēsya; kangi ukuti abēne babagile ukubatwāla abēne mmīnyololo, nukubabōmbela abēne nububībi ku fyīnja bamia bana.*

*Kangi ikīsu kwa yūyo abēne bisakuya mbupīnyīgwa Une nisakulōnga, ikuti Kyala: kangi ukufuma apo abene bisakusōka panja, nukumbōmbēla une nkīsu iki.*

*Kangi umwēne alinkumpa umwēne ulwītīkāno lwa bubūtīgwe: kangi popāpo Abraham āpāpīle Isāki, nukumbūta umwēne ilisiku lya lwele; kangi Isāki āpāpīle Yākōbo; kangi Yākōbo āpāpīle abatāta kalongona-babili.*

<sup>22</sup> Pa buyo ubu, uswe tukulonda ukusegelela ku kimanyisyo, iki une ngwinogona kyo kimanyisyo ikyapamwanya kya mwisyugu, ikya i. . . *Ngimba u Mbepo Mwikemo yo fiki?* Ngimba Ikyene kyo fiki? Kangi, lilino, inongwa iyi une negilemo ikimanyisyo iki mbugoloke bo ulu, ugwe ukabagila ukwisa nukwambilila u Mbepo Mwikemo pene papo ugwe umenye iki Ikyene kili. Kangi ugwe ukabagila ukwambilila Ikyene, linga ugwe umenye iki Ikyene kili, pene papo ugwe kwitika Ikyene kipigwe kwa ugwe, kangi Ikyene kyo kya ugwe. Kangi, polelo, ugwe ukabagila ukumanya kali ugwe uli nakyō Ikyene, pamo mma, pene papo ugwe kumanya ifyakukonga Ikyene kikutwala. Polelo linga umwe mumenye iki Ikyene kili, kangi ywani Ikyene kyo, kangi ko mbombonki Ikyene kikutwala akabalilo kako Ikyene kikwisa, polelo ugwe kwisakumanyaga iki ugwe uli nakyō akabalilo kākō ugwe kukyāga Ikyēne. Muketile? Ikyo itolo kikubōmbāga ikyēne.

<sup>23</sup> Itolo bo mūmo une nāyobāga kwa Nkundwe gwītu Jeffries umwisyugu, kangi umwene alinkuti, “Une ngulonda ukuya ku lukomano ikilo iki, loli une nguyaga kula kilabo nkilo.” Umwēne akāmenye u lukomano lwākindililāga, panongwa yakuti uswe tukāfumwīsyē ulwēne; itolo papapa apa. Bamo mwa i. . .

Nkundwe Leo na bala bāsimbile ku bamo mwa bīnītu bītu nukubabula abene, panja pa kāya. Ena, panongwa yakuti uswe tukāli nabo ubuyo.

<sup>24</sup> Lilino une ndinkuti, “Nkundwe Jeffries, linga ugwe gwālindumile une ukusuluka ukwakukwāsya kimo mwa fisiba fyāko ifya mafuta, kangi une ngāmenye nakimo ikya ikyene, une lumo mbagile ukukupufula ikyene mōsa. Une mbagile ukuniōngotola ifūngilo insobi pamo ukwānda i ngino insobi. Une mbagile ukufimbilisigwa ukumanya akabōmbèlo ka ikyēne bo ngāli une ukubōmba ikyēne.”

Kangi iyo yo njila nu kwambilila u Mbepo Mwikemo. Ugwe kufimbilisigwa ukumanya iki ugwe kwisila, kangi mumo kwambilila Ikyene, kangi iki Ikyene kili.

Lilino, ubuyo bwakwanda, u Mbepo Mwikemo afindingwe.

<sup>25</sup> Uswe tubagile ukwega imilungu kalongo kangi siku. . . itolo ukunyēlamo ulugenge lwa kimanyisyo iki, iki u Mbepo Mwikemo ali. Lōli, ikindu kyākwānda, une ngulōnda ikukisegeléla ikyēne itolo nukufwana ukupa unsyūngūlu ikilo kilikyōsa, polelo mukukēta ikilo ikikōnge linga galipo amalālūsyo galigōsa.

<sup>26</sup> Balinga muno bakambilila u Mbepo Mwikemo, bōsigwe nu Mbepo Mwikemo? Fyusya ifiboko fyinu, umwe mumenye umwe mukaya. Itolo keta amaboko.

Lilino une ngulonda ukuyoba pa Kyene, ukuya Mbepo Mwikemo ukuya kimanyilo, kabuno Ikyene kyo kimanyilo. Uswe tukusyāgānia ukuti—ukuti ifingo syōsa sipigwe kwa uswe ukwisila. . . Abraham āli tāta gwa lufingo, panongwa yakuti Kyala apele ulufingo kwa Abrahamu kangi ku Luyungu lwake ukufuma kumwene. Ulufingo lwapegigwe “kwa Abrahamu kangi ku Luyungu lwake.” Kangi ikimanyilo iki kili ku bāndu balwītikāno.

<sup>27</sup> Lilino, bulipo ubukīndāne ubunywāmu pakati pa itolo u Nkristi nu Nkristi umwisusigwe-na-Mbepo-Mwikemo. Kangi lilino uswe tukuyaga pakukyāga iki ukufuma ku Lisimbo, kangi ukubika ikyene katikati mu Lisimbo. Ubuyo bwakwānda, alipo yumo u Nkristi ugwangamu ukuya Nkristi. Lōli linga u Nkristi uyu akālisusigwe na Mbepo Mwikemo, umwene yo itolo mbubāmba bwa kuya Nkristi. Muketile? Umwene ikwikolela ukwitika Ikyene; umwene ikubomba ku Kyene, loli Kyala akali akampa umwene u Mbepo uyu, ugwa Mbepo Mwikemo. Umwēne akāli akafika ku bufikp bula na Kyala, ukuti Kyala akyītikisye ikyēne.

<sup>28</sup> Panongwa yakuti, ikyo, Kyala ātēndike u lwītikāno na Abraham, ukufuma pāpu Umwēne ālinkōlile Abraham, uyu yo kyākwegelèla kya kukōlèla u mwītiki umwisyūgu.

Umwene alinkunkolela Abraham, kangi Abraham alinkusokela panja pa kisu kyake nukubuka nkisu ikihesya,



ukwitugasya pakati pa bandu abahesya, kangi kila kyāli kyakwēgelēla kya kabalilo kāko Kyala ikunkōlēla u nnyāmbala ukwīmika ubwīmi bwāke, ukupīnduka isya butulwanongwa bwāke. Umwene ikusyumbutuka polelo ukufuma ku kilundilo iki umwene ālimo, ukwitugasya mu kilundilo ikipyā, pakati pa luko ulupya lwa bandu.

Kangi polelo ukufuma pāpo Kyala alinkummwaga Abraham ukuya nsubiligwa ku lufingo ulu Kyala ālimpele umwene, ukuti umwene ikuyaga nu mwana, kangi ukwisila mu mwāna uyu ikisu kyōsa kya pāsi kikuyaga kisayigwe, polelo Kyala alinkusisimikisya ulwitiko lwake nu kumpa umwene ikimanyilo, kangi ikimanyilo kila kyāli kubūtigwa. Kangi ukubūtigwa lo luko lwa Mbepo Mwikemo.

<sup>29</sup> Itolo amanandi gakukōnga galagala ga untu ugu gūgo uswe tubalile itolo, linga ugwe kulōnda ukusimba ikyēne pāsi. Kangi u . . . Stefani āyobīle, mu linandi lya 51:

*Umwe bumamakosi . . . basitakubūtigwa mu i ndumbula kangi imbulukutu, umwe mukubōmba akabalilo kōsa ukupīnga Mbepo Mwikemo: bo mūmo abatāta bānu bābōmbīle, momūmo mukubōmba umwe.*

<sup>30</sup> Ukubūtigwa lo luko lwa Mbepo Mwikemo. Kangi Kyala ālimpēle Abraham i—i kimanyilo kya lubūto ukufuma pāpo umwene ālimmwitikisye Kyala pa lufingo Lwāke nukusōka panja nkisu ikihesya. Muketile? Ikyene kyāli kimanyilo.

Kangi a bāna bake bosa, kangi imbeyu yake ukufuma pa mwene, yikufimbilisigwa ukuya ni kimanyilo iki mu mbili gwabo, panongwa yakuti ikyene kyāli kyakukīndanisānia. Ikyēne kyāli kupāgulānia abēne ukufuma ku bāndu bōsa abāngi, ikimanyilo iki ikya bubūtigwa.

<sup>31</sup> Kangi ikyo kyo iki Kyala ikubombela umwisyugu. Ikyene kyo kimanyilo kya kubutigwa bwa ndumbula, u Mbepo Mwikemo, ikyo kikupela i Kipanga kya Kyala ukuya Kipanga ikipaguligwe ukufuma ku fyosa ifimanyisyo, ulwitiko ni fipanga-fipāgūke. Abēne bali mu luko lōsa ulwa fipanga-fipāgūke, lōli pōpe abēne bo bāndu bapāguligwe. Ugwe unko une njobe ku nnyambala pa maminiti mabili, une mbagile ukubabula umwe ukuti kali umwene ambulile Mbepo Mwikemo pamo mma; momumo umwe mubagile. Ikyene kitapulania abene. Ikyene kyo kingw'ale. Ikyene kyo kimanyilo. Kangi u Mbepo Mwikemo yo kimanyilo. Kangi ikyene kyo . . .

U mwāna aligwēsa uyu ikukāna u lubūto mu Lwītikāno Ulukūlu, iki kyo nsyūngulu-gwankyēni gwa Mbepo Mwikemo, ātumuligwe ukufuma pakati pa bāndu. Umwēne akābagīle ukuya nu bulilanisi na bōsa aba kilundilo, linga umwēne ākānīle ukubūligwa.

Lilino egelela kila ku mwīsyugu. U mundu uyu isakupīka ukwambilila u lōsyo lwa Mbepo Mwikemo, akabagila ukuya nu

bulilanisi pakati pa bēne aba bali na Mbepo Mwikemo. Ugwe itolo ukabagila ukubomba icyene. Ugwe kufimbilisigwa ukuya kipeligwa. Bo, icyene kyo . . .

<sup>32</sup> U māma gwāngu kula ālisibile ukuyoba, “Injuni isya mayoya sikubunabuna palikimo.” Ena, icyēne kyambupingamu kyaiyolo, lōli icyēne kyo kyabwanaloli kimo. Ugwe utikusibona ingungubiya na bafihobe bikulilanila. Akalilo kabo kakindene. Ulwisibilo lwābo lukindene. Ifinyonywo fyābo fikindene.

Kangi iyo yo njila icyēne kili ni kisu kangi nu Nkristi akabalilo kako ugwe *ubūtigwe* na Mbepo Mwikemo, iki kikusanusya, “ukutumulako unyōfu.”

<sup>33</sup> Ukubūtigwa kwābagile ukuya itolo mu kinyāmbāla. Loli linga unkikulu alyegene nu nnyambala, umwene ali kiyabo kya umwene, umwene ābutigwe nu mwene. Umwe mukukumbukila, mwa Timoti, kūko Ilyēne lyāyobile nkati mula, “Kisitakukanikana umwēne isakupokigwaga mu kupapa-bāna, linga umwēne ikukindilila mu lwitiko nu bugolofu nu mabyebye gōsa.”

<sup>34</sup> Lilino, bubūtigwe. Umwe mumenye akabalilo kako u . . . Sarah āsekile mu kihema kunyuma kwake, pa ndumi ya Gwāndūmi, akabalilo kako Umwēne āyobile, “Abraham,” kisita kumanya uyu umwēne āli, nhesya, “ali kugu unkasigo, Sarah?” Ngimba Umwene āmenye bulebule ukuti umwene āli nu nkasi?

<sup>35</sup> Mumo Yeso aayobile, “Mumo ukwene kwayilile mmasiku ga Loti, momumo ukwene kwisakuyilaga pa kwisa kwa Mwanundumiana gwa mundu.” Kumbukilaga, ifimanyilo fila fikaabombeligwe pasi ku Sodomu na Gomora, nkisu, pakati pa ba bwiputi. Lōli icyēne kyāli ku Basaligwa, abakōleligwepanja. Kangi Abraham ākōleligwe panja. Kangi i lisyu *kipānga* kokuti “abakoleligwe panja; abapāguligwe,” bo mūmo Abraham alipāgwile mwene kangi ābūtigwe.

Kangi polelo akabalilo kako Sarah asekile ku ndumi yilayila iya Gwandumi, Kyala angali angogile umwene pa buyo; lōli Umwēne akābagile ukuntamia Sarah kisita kuntamia Abraham, panongwa yakuti abēne bāli yumo. Umwēne āli kiyabo nu mwēne. “Umwe mukaya babili kangi mma, lōli yumo.”

<sup>36</sup> Polelo, bubūtigwe, u Mbepo Mwikemo umwisyugu ikubuuta i ndumbula. Kangi icyene kyo kimanyilo, i kimanyilo ikipigwe.

Yumo āyobile ilisiku limo . . . Une itolo ngwandisya iki, komma ukuya sunga. Nongwa yakuti, ubwēne bo bwanaloli, lōli ubwēne bukupilikigwa ngati sūnga. Bo mūmo une kingi nguyoba, ubu bukaya buyo bwa sūnga. Lōli ālipo un’Jeremani unnini panja pa Kiloboko kya Kubwingilil’ilusuba, kūko uswe twāli itolo. Umwene ālyambilile u Mbepo Mwikemo. Kangi umwēne alinkubūka ukusuluka pa lukindi, kangi umwēne endaga akapatu akanini, kangi umwēne āsumusyaga amaboko gāke nu kuyoba mu ndimi. Kangi umwēne ābopāga, kangi

umwēne ānyēlāga, kangī umwēne āywēgāga. Kangī umwene aali pa mbombo, ukwītṵala bo lula, kangī ubwana bwake alinkuyoba kwa umwene, “Ndimba ugwe gwaali kugu?” Uu-huu. Une ngaganile amabuyo gala kūko ugwe ufumileko. Umwene alinkuti, “Ugwe kufimbilisigwa ukuya ufumile pási pa kipambo kya manāti.”

Umwene alinkuti, “Polelo ugwe kwinogona ukuti abene bo manāti?”

Umwene alinkuti, “Naloliloli, abene bali.”

<sup>37</sup> Umwene alinkuti, “Ena, ntufye u Ntwa panongwa ya manāti!” Kangī umwene alinkuti, “Ngimba ugwe umenye fiki? Ama nāti gikukina i kiyabo ikinywamu.” Umwene alinkuti, “Kūkwegelēla itolo, i ligali, ugwe ega gōsa a manāti ukufuma ku lyene, ugwe ukaya nakyo nakimo loli kibugutila kya ‘yanki.’” Polelo ikyo kyo itolo kifuki kitalusye.

<sup>38</sup> Ugwe uli nkindane fiyo akabalilo kako u Mbepo Mwikemo ikwisa pa ugwe, mpaka aminogonelo ga kisu iki gitikukulonda ugwe, kangī abene bikulwana na ugwe, kangī abene batikulonda nakimo ikyakubomba na ugwe, na panandi. Ugwe kupapigwa ku Kisu ikingi. Ugwe itolo bu bwīngi uli nhēsya, kalongō kōsa ukukīnda mūmo unhēsya ābagīle ukuya, linga ugwe gwābagīle ukubūka mbutali ukukīnda mabuyo agakūsulo aga matēngēle ga Africa. Ugwe ukīndēne akabalilo kāko u Mbepo Mwikemo ikwisa, kangī Ikyene kyo kimanyilo. Ikyene kyo kingw’āle pakati pa bandu.

<sup>39</sup> Lilino, ugwe kuyoba, “Polelo, Nkundwe Branham, ikimanyilo kila ikya bubūtīgwe kyāpēgīgwe kwa Abraham?” Ikyo kyo kyabwanaloli. “Kangī ku Mbeyu yake?” Ena.

<sup>40</sup> Umma ndaga, lilino uswe tukusanukaga ku Bagalatia, untu gwa 3, ilinandi lya 29, kangī kēta mūmo kila kibagīle ukubōmbēla kwa uswe. Bagalatia 3:29, kangī itolo kēta mūmo ulubūto ulu lwābagīle ukubōmbēla ku Gwāpānja, linga uswe twe Bāpānja; iki, ukwisila mu kupāpigwa mwakipeligwa uswe tuli.

Lilino, ikyākwānda, une ngulōnda ukubala ilinandi lya 16.

*Lilino kwa Abraham kangī imbeyu yake u lufingo syātēndekīgwe.* (Abrahamu ni mbeyu yake!) Umwene āyobile komma, *Kangī ku mbeyu-nyingi, . . .*

Itolo uluko lulilosa ulwa . . . tutigi, “O, une ne mbeyu sya Abraham, nīne.” Umma. Ku “Luyungu,” Luyungu lwa Abrahamu!

*. . . Komma ku mbeyu-nyingi, bo silinga; loli sya yumo, Kangī uku—uku abene. . . Kangī ku mbeyu yako, iyi yo Kristi.*

<sup>41</sup> Kristi aali Luyungu lwa Abrahamu. Ngimba umwe mukwitika ikyo? Umma ndaga, lilino unko uswe twēge linandi lya 28 kangī ilya 29.

*Akayako kali nJuda pamo um’Griki, kang’mma aliko umpinyigwa pamo umwābuke, pamo’mma kilipo pala ikinyāmbála pamo ikikīkūlu: kabuno uswe twesa tuli yumo mwa Kristi Yeso.*

*Kangi linga ugwe gwe gwaKristi, polelo ugwe gwe luyungu lwa Abrahamu, kang’i tuli bingilakilingo ukufwana nu lufingo.*

Ngimba uswe tukwēgelàga bulebule pa “Luyungu lwa Abraham”? Ukwisila ukuya mwa Kristi, polelo uswe tuli Luyungu lwa Abraham. Kang’i ngimba u Luyungu lwa Abraham lwāli fiki? Bo, uswe tubagile ukubūka ku Baroma 4 na mabuyo amakindāne.

Abrahamu akālyāmbililemo siku ulufingo bo umwēne ābūtigwe. Ukunāngisya ukuti ulubūto lwāli itolo kyākwēgelèla, umwēne ālyāmbilile ulufingo *bo akāli* ukubūtigwa. Kang’i ikyēne kyāli kyākwēgelèla, ikya kwāgānia kwa lwītiko lwāke ulu umwēne āli nalo bo akāli umwēne ukubūtigwa.

<sup>42</sup> Lilino, akabalilo kako uswe tuli mwa Kristi, uswe tukuya Luyungu lwa Abraham kang’i tuli bingilakilingo na Kristi, polelo, kali uswe tuli fiki, Njuda pamo Gwapanja.

Kangi, “u Luyungu lwa Abraham,” u Luyungu lwa Abraham luli nu lwitiko lwa Abraham, uyu ikwega Kyala pa Lisyu Lyake. Kisatakupāsya isya mūmo kikikuboneka kyakusekesya Ikyēne, mūmo nubuhēsya ugwe kubōmbèla, mumo Ikyene ubuswīgisyey kikukupela ugwe, ugwe ega Kyala ku Lisyu Lyake kisitakupasya isya kalikosa.

<sup>43</sup> Abraham pa fyinja malongo-mahano-na-mabili-na-fihano mbukusi, kang’i Sarah pa malongo-mahano-na-limo-na-fihano, bālimmwēgile Kyala ku Lisyu Lyāke, kang’i ākikōlile kilikyōsa kyakukindāna na Ikyēne ukuya ngati ikyēne kikāli mma. Ngimba umwe mukwinogona fiki aba dokotala binogonaga, isya lisiku lila? Ngimba umwe mukwinogona fiki abandu binogonaga, akabalilo kako abene bikumbona unnyambala unkangale, malongo-mahano-na-mabili-na-fihano mbukusi, ukusyungutila ukuntufya Kyala, umwene āyaga “nu mwana” nu nkasi gwake, kang’i umwene ni fyinja malongo-mahano-na-limo-na-fihano mbukusi, ukufwana ifyinja malongo-mabili-na-fihano ifi fikindilepo une nubuponesyo? Loli, umwe muketile, ikyene kikupela umwe ukubōmbèla mbusekesye, ulwītiko lwa Abrahamu.

<sup>44</sup> Kang’i akabalilo kako ugwe ubūtigwe mwa Mbepo Mwikemo, Ikyene kikubomba ikindu kilakila kwa ugwe. Ikyene kikupela ugwe ukubomba ifindu ifi ugwe ukālinogwine ugwe kubombaga. Ikyene kikukupela ugwe ukwega u lufingo lwa Kyala nu kwitika Kyala.

<sup>45</sup> Lilino, Ikyene kyope, palubafu pa—pa lufingo ni kimanyilo, Ikyene kyope kyo kifungilo. Lilino linga umwe mukubūkāga na

une ku Baroma. Ikyākwānda, une ngulōnda umwe ukubūka na une ku Baefesi 4:30, kangī unko uswe tubāle apa itolo i miniti. Baefesi 4:30 ikuyoba iki.

Lilino, umwe mupilike abandu bingi fiyo bikuyoba ukuti ifindu ifikindanekindane fyo fifūngilo. “Linga ugwe kubuka nkipanga, ugwe uli ni kifūngilo kya kipanga.” Kangi abandu bamo bikuyoba, “Ikyene ko kuyunga i lisiku limo, i lisiku lya sabata, ikyo kyo—ikyo kyo kifūngilo kya Kyala.” Bamo mwa bene bikuyoba, “Linga uswe tukubika ubwingila bwītu mu kipanga-kipāgūke kimo, uswe tufūngiligwe mu Kitangalala kya Kyala.”

<sup>46</sup> Lilino, i Bāngéli lyāyobīle, “Unko ilisyu lya mūndu aligwesa liyege busyōbi, kangī i lya Kyala liyege Bwānalōli.” Lilino, Baefesi 4:30 likubala bo ulu:

*Kangi somma ukunsulumanisya Mbepo mwikemo gwa Kyala, kuko umwe mufūngiligwe ku lisiku lwa kutabuligwa.*

<sup>47</sup> Une nguyaga pakufimbilisigwa ukufika panini panandi nkafu pa iki lilino, ukwāla pāsi. Lilino, umwe bakundwe bandagilo itolo kukolelela kimyemye ku kayabo kanini. Muketile? Ngimba umwe mukētēsisyē ko kabalilo katali nki ikifūngilo kikumaliko? Komma mpaka ku luyigo ulu lukwīsa, mpaka akabalilo akakōnge kāko ikindukimo kikuya kisobi. “Mpaka i lisiku lya butabulo bwīnu,” umo ko kabalilo katali nki umwe mufūngiligwe. “Mpaka i lisiku lya butabulo bwīnu,” akabalilo kāko umwe mutabuligwe ukuya na Kyala, ako ko bo butali bulebule u Mbepo Mwikemo ikukufūngila ugwe. Komma ukufuma ku lusasanio ukubuka ku lusasanio; loli ukufuma kwa Syepwa ukubuka kwa Syepwa, ugwe ufūngiligwe nu Mbepo Mwikemo.

Ikyo kyo iki u Mbepo Mwikemo ali, Ikyene kyo kifūngilo kya Kyala, ukuti Umwene āgile...ugwe gwālyāgile ilipyana mbukētelo Bwāke, kangī Umwene abaganile ugwe, kangī Umwene ikwitika ugwe, kangī Umwene abīkile ikifūngilo Kyāke pa ugwe. Ngimba ikifūngilo kyo fiki? Aligwesa...Fiki, *ikifūngilo* pamo kikusanusya i “mbombo imalisigwe.” Amenī. Kyala akupokile ugwe, akukemēsisyē ugwe, akusukile ugwe mōsa, āgile ukuganilo na ugwe, nukukufūnga ugwe. Umwēne amalisisyē. Ugwe gwe kyombo Kyāke mpaka i lisiku lya butabulo bwāko. I *kifūngigwe* kyo “kindu ikimalisigwe.”

Ngimba u Mbepo Mwikemo yo fiki? Ikyene kyo kimanyilo. Uswe tukwisaga pa ikyo pitasipo panandi, mu Ndumi iyingi, ikimanyilo iki Pauli āyobela ngapo. Ndimi kyaali kimanyilo ku bitiki, pamo, basitakwitika.

<sup>48</sup> Lilino ketesya, loli, mu iki, u Mbepo Mwikemo kyo kimanyilo. Une ngusanusya...Kangi u Mbepo Mwikemo yo fūngilo. Ikyēne kyo kimanyilo ukuti Kyala āpēle ku bāna Bāke abasaligwa. Ukukipika Ikyēne, ko kutumuligwa ukufuma ku

bāndu; kangu ukwambilila Ikyene, ko kuya mmalisigwe ni kisu ni findu fyosa ifya nkisu, kangu ukuya kyombo iki Kyala abikile i fungilo ya lwitikiyo.

<sup>49</sup> Une nālisibile ukubōmba pa nsebwe-gwa-njānji pānja pala na Harry Waterberry, kangu uswe twābukaga ukusuluka kukusōnda iligali. Nkundwe gwāngu, Doc, imile kunyuma kula, ikutūla ukusōnda amagali. Akabalilo kāko iligali likusōndigwa, abēne bikukīndamo mu ligali lila, unkētēsi, kangu linga umwene ikukaaga kalikosa kābwike, kuko akene kabagiile ukugwa nukubongotoka, pamo kalikosa aka kabagiile ukonanga; umwēne atisakufūnga iligali lila mpaka iligali lila lili fiyo lōsa lisōndigwe, mpaka ilyēne lisōndigwe ukukanyisigwa kangu fiyo mu lubātiko, ukuti ukuyuganikana kwa butoge butisakukitamia ikyombo iki kili nkati.

<sup>50</sup> Ikyo kyo iki u lutamio luli uswe tutikufūnga fiyo mma; uswe tuli bābuke fiyo ukufwāna ni findu. Akabalilo kāko u Nkētēsi ikubūka ukukindamo, ukukētesya ubūmi bwāko, ukuketa linga ugwe ukaya itolo panini mwabukano ukufwana ni findu, mwabukano panini ukufwana nnu būmi bwanyīputo, mwabukano panini ukufwana nu bugāsi, mwabukano panini ukufwāna nu lulimi, ukuyoba isyakufwana na bāngi, Umwēne atisamo siku ukufūnga iligali lila. Utwīho tumo utubwāpufu, tumo utundu utubibi, ilinogono lya buhuni, Umwēne akabagila ukufūnga i ligali lila.

Lōli akabalilo kāko Umwēne alyāgile kilikyōsa mbuyo bwāke, u Nkētēsi, polelo Umwēne ikufūnga ilyēne. Agele ayepo yumo ukwīgula ikifūngilo kila mpaka iligali lila lifikile kubufikile bwāke kūko ikyēne kifūngiligwēko! Pala ikyēne kili. “Palamasya mma abapakigwe Bāngu; bombela abasololi Bāngu nubufulāsyē nabumō. Kabuno une nguyoba kwa umwe, ukwene kukuyaga kanunupo kwa umwe ukuti ibwe lyapinyigwe mmakosi gako, kangu ugwe gwamilwisigwe mbusolofu bwa nyānja, ukukīnda nukugela ukusāmbula pamo ukuyugānia panini pa banini-ukukīnda ba aba bābo bafūngigwe.” Umwe mukukēta iki ikyēne kikusanusya?

<sup>51</sup> Ikyo kyo iki u Mbepo Mwikemo ali. Ikyene kyo busisimikisye bwāko. Ubwene bo buponesyo bwako. Ubwene bo buketi bwako. Iyene yo fūngilo yāko. Ikyene kyo kimanyilo kyāko, ukuti, “Une ne Mmwanya mbinyigwe. Komma ukupasya iki u mōhēsi ikuyoba! Une ne gwākubūka ku Mwanya. Nongwa ya fiki? Umwēne alimfūngile une. Umwēne ālimbēle Ikyēne kwa une. Umwēne ālimfūngile une mu Kitāngalāla Kyāke, kangu une ne gwakubūka-ku-Lwīmiko! Unko imibelo gipūta, ndeke Sētāno abōmbe iki umwēne ikulōnda. Kyala ambokile āmfūngile une mpaka ilisiku lya kutabuligwa kwangu.” Ameni! Ikyo kyo iki u Mbepo Mwikemo ali. O, ugwe kufimbilisigwa ukukilonda Ikyene. Une ngābagila ukubuka kisita Ikyene. Fingi fiyo fibagile

ukuyobigwa pala, loli une nsisimikisye umwe mumenye ifi une nguyobapo.

<sup>52</sup> Lilino, kangi, unko uswe tusanukile kwa Yohani 14, itolo ku miniti. Une itolo ndiganile i Lisyu! Ilyene lyo Bwanaloli.

<sup>53</sup> Lilino, u Mbepo gwa Kyala, u Mbepo Mwikemo, ngimba Mbepo Mwikemo yo fiki? Umwene yo Mbepo gwa Kristi mwa ugwe. Lilino, bo uswe tukali ukubala, une ngulonda itolo ukuyoba amasyu agakuyobelapo amanini apa. Ngimba u Mbepo Mwikemo yo fiki? Ikyene kyo kifungilo. Ngimba u Mbepo Mwikemo? Ulwene lo lwitikano. Ngimba u Mbepo Mwikemo yo fiki? Ikyene kyo kimanyilo. Ngimba u Mbepo Mwikemo kokuti fiki? Umwene yo . . . Mbepo gwa Yeso Kristi mwa ugwe. Muketile? “Nkabalilo kanini,” alinkuyoba Yeso, “kangi ikisu kikumbona Une kangi mma; loli umwe mwisakumbonaga Une, kabuno Une ngwisakuyaga na umwe, mope nkati mmyinu, ku bumalikisyo bwa kisu.” Mbepo gwa Kyala mu Kipanga Kyake!

<sup>54</sup> Panongwa ya fiki? Ngimba Umwene abombile fiki ikyene panongwa ya fiki? Iki kyo kili panini kimanyisyo kya kilabo nkilo. Loli Umwene abombile fiki ikyene? Nongwa ya fiki Umwene abombile, ngimba nongwa ya fiki u Mbepo Mwikemo . . . Fiki, ngimba Umwene alisile panongwa ya fiki? Ngimba Umwene alisile fiki mwa ugwe, ngimba Umwene isile mwa une panongwa ya fiki? Kwali kukindilila ni mbombo sya Kyala.

<sup>55</sup> “Une akabalilo kosa ngubomba ikyo iki kikhobosya kwa Tata Gwangu. Une nisile mma ukubomba u bwigane Bwangu Bwene, loli u Tata uyu alindumile Une. Kangi u Tata uyu alindumile Une ali na Une; kangi ukuya Tata Gwangu andumile Une, momumo ngubatuma Une umwe.” O, mwe! U Tata alintumile Umwene, abukile mwa Mwene. U Tata uyu alintumile Yeso alisile nkati mwa Mwene, alinkubombela mwa Umwene.

U Yeso uyu ikukutuma ugwe, ikubuka na ugwe kangi ali mwa ugwe. Kangi linga u Mbepo yula, mumi mwa Yeso Kristi, alimpelile Umwene ukubomba nukubombela mumo Umwene abombile, umwe mwisakuyaga ni fundo yimo iyambwingi mumo Ikyene kisakubombela akabalilo kako Ikyene kili mwa umwe, panongwa yakuti u Bumi bula butikusanukaa. Ikyene kisakubuka ukufuma mu mbili ukubuka ku mbili, loli Ikyene kikabagila ukwandula ubupeliga Bwake, kabuno Ikyene yo Kyala.

<sup>56</sup> Lilino mwa Yohani 14, itolo unko uswe tubale itolo pakayabo kanini, ukwanda pa linandi lya 10.

*Kwitika ugwe . . . ukuti Une ndi mwa Tata, kangi Tata mwa une? i mbombo . . . amasyu aga une nguyoba kwa umwe Une nguyoba komma isya nimwene: loli u Tata uyu ikwitugasya mwa une, umwene yo ikubomba imbombo.*

Inogona isya ikyo. Lilino:

*Itika une ukuti Une ndi mwa Tāta, kangi Tāta mwa une: pamo pabūngi finyitika une panongwa ya mbombo silasila.*

*Naloliloli, naloliloli, une nguyoba kwa umwe, Umwene uyu ikwitika pa une, imbombo isi Une ngubomba isakubombaga umwene...yope; kangi imbombo ingulumbapo ukukinda isi isakubombaga umwene; panongwa yakuti Une ngubuka kwa Tāta gwangu.*

Ngimba umwe mutikukibona? Muketile mūmo Umwene āyobīle pala? Lilino kētēsya iki, mūmo iki kikusōka panja. Une ngubalaga itolo pabutalipo panini. Uswe tukubalaga pasi ukufwana ni linandi lya 20. “Kangi kilikyosa iki umwe mwisakulālūsya mu. . .” Unko uswe tukēte, une nāli ni. . .Ena. Uu-huu. Katalusya.

*Kangi kilikyōsa umwe mwisakusūma mu ngamu yāngu, kila une nisakubōmba, ukuti Tāta abagīle ukwimikīgwa mwa Mwanundumiana.*

*Linga umwe mwisakusuma ikindu kilikyosa mu ngamu yangu, Une nisa kubombaga ikyene.*

*Linga umwe munganile une, kyungaga ingomelesyo syangu.*

*Kangi une nisakusūmaga u Tāta, (lilino kētēsya) kangi umwēne isakubapaga umwe u Nsūbisi uyūngi, ukuti umwēne abagīle ukwitugasyāmo na umwe kwa bwīla;*

*Yōpe nu Mbepo gwa bwanaloli; yūyo i kīsu kikabagīle ukummwāmbilīla, panongwa yakuti ikyēne kitikumbōna umwēne mma, kangi’mma kitikummanya umwēne: lōli umwe mumenye umwēne; kabuno umwēne ikwītugāsya na umwe, kangi isakuyaga mwa umwe.*

<sup>57</sup> Ngimba u Mbepo yula yo ywāni lēlo? Ngimba u Mbepo Mwikemo yo fiki? Umwēne yo Kristi mwa umwe. U Nsūbisi, uyo yo Mbepo Mwikemo. “Kangi akabalilo kāko u Nsūbisi isile, Umwēne isakubōmba ifīndu filafilā ifi une nābōmbīle akabalilo kāko u Nsūbisi ali mwa Une. Une nisakusūmba u Tāta, kangi Umwēne isakukupa ugwe u Nsūbisi uyu. Umwe mumenye u Nsūbisi. Ikīsu kikammanya Umwēne, nasiku kisakubōmba. Loli umwe mumenye Umwene panongwa yakuti Umwene ikwitugasya lilino na ugwe,” Yeso ikuyoba, “lōli Umwēne isakuyaga mwa umwe.” Mwaketa lelo umwe, uyo yo Nsūbisi, “isakuyaga mwa umwe.”

*Une ndisakubaleka umwe basitabusūbisi: Une ngwisa kwa umwe.*

“Une ndisaku. . .” Lilino, uyo yo Nsūbisi, Kristi. Ikyo kyo iki u Mbepo Mwikemo ali, yo Kristi.



*Loli pa kabalilo kanini, kangi i kisu kitikumbona  
une kangi mma; loli umwe mwisa kumbonaga une:  
panongwa yakuti Une ndi mumi, umwe... mukuya  
bumi numwe.*

<sup>58</sup> O, uswe tubagile ukukindilila mu nkyeni kangi nkyeni; loli, unko umwe mumanye. Ngimba Umwene yo fiki? Umwene yo kifungilo. Umwene yo kimanyilo. Umwene yo Nsubisi. Muketile iki fyosa Umwene ali? U Luyungu lwa Abraham tukwingila ukwingil'ikilingo Ikyene.

<sup>59</sup> Lilino unko uswe nuswe tukyage ikyo i...iki ikingi u Nsubisi ali. Unko uswe tubuke kwa Yohani Gwakwanda 16:7, keta linga Umwene akaya yo Njobeli, yope. Umwe mumanye iki u njobeli ali, ukupela u njobeli. Uswe tulinagwe u Njobeli. Uswe tumenye ikyo. Gwakwanda Yohani untu gwa 16...O, gulila panandi, une nsobile. Mwikemo Yohani, umwene yo yuyo, 16:7. Une nsobile. Une naloli nsobile une njobile ikyo. Une nabalile kila mbusobi pa lyangu...nali na 16:7.

*Palema isi une ngubabula umwe ubwanaloli; Ikyene kinunu kwa umwe ukuti une ngusokapo: kabuno linga une ndikusokapo, u Nsubisi atisakwisa kwa umwe; loli linga Une ngusokapo, Une nisakutuma umwene kwa umwe.*

*Kangi akabalilo kako umwene ikwisa, umwene isakukemela ikisu kya butulwanongwa, kangi ikya bugolofu, kangi ikya bulongi:*

*Iky butulwanongwa panongwa yakuti abene batikwitika mma pa une;*

*Gwa bugolofu, panongwa yakuti une ngubuka kwa Tata, kangi umwe mutikumbonaga kangi mma;*

*Iky bulongi, panongwa yakuti unsoka gwa kisu iki alongigwe.*

<sup>60</sup> Mwe! Lilino, u Njobeli, agigwe mu—mu Gwakwanda Yohani 2:12. Lilino unko uswe tubale ilyo, itolo i miniti, Gwakwanda Yohani 2:12. Une ngusuma uluhobokelo lwinu, Yohani...1 na 2, ikyene kili. Une nsimbile isi sisimbigwe, Gwakwanda Yohani 2:1 ukufika 2.

*Bana bangu banini, ifindu ifi ngusimba une kwa umwe, ukuti umwe mulingatulwaga inongwa mma. Kangi linga u muntu aligwesa ikutulw'inongwa, uswe tuli nagwe u njobelo na Tata, Yeso Kristi ungolofu:*

Ngimba u Njobeli yo fiki? Yeso Kristi u ngolofu.

*Kangi umwene yo—umwene yo luhombe panongwa ya mbibi syitu: kangi komma panongwa ya syitu twibene mma, loli pope panongwa ya mbibi sya kisu kyosa.*

<sup>61</sup> Ngimba Mbepo Mwikemo yo fiki? Ikyene yo Njobeli. Ngimba ikubomba fiki u...Ngimba u Njobeli yo fiki? Ngimba

kikubomba fiki Ikyène? Ukutëndéka ulupālo. Ikyène kili ni kisa. Ikyène, Ikyène kikwima mbuyo bwāko. Ikyène, Ikyène lukubōmba ifīndu ifi ugwe ukabagīla ukubōmba. Ikyène, Ikyène kyo—Ikyène kyo buhōmbe panongwa ya mbībi syīnu. Ubwēne bo bugolofu bwīnu. Ubwēne bo bubumbulusyo bwīnu. Ikyène kyo Būmi bwāko. Ikyène kyo busyūke bwāko. Ikyène kyo kyōsa iki K̄yāli alinakyo kuli ugwe. Umwēne yo Njobēli.

<sup>62</sup> Mūmo uswe twabagīle ukubūka mbusolofu na ikyo nukukimenyānia ikyo pāsi, isya mūmo fikuti akabalilo kāko Ikyène—Ikyène kikipela ubwimilili panongwa ya busitakumanya bwītu. Utubalilo tumo akabalilo kāko u. . . uswe tukabile u Mbepo Mwīkēmo, uswe kisitakumanya tukwītābānia mu kindukimo. U Mbepo Mwīkēmo aliko kukutendeka ukuyobela kuli uswe. Umwene yo Njobēli lwitu. Umwene ikwima gwitu. . . Umwene yo Gwandagilo gwitu. Umwēne ikwīma pala kangī ikulāmba kuli uswe. Uswe tutikwīlāmbila kuli twībēne mma, panongwa yakuti u Mbepo Mwīkēmo mwa uswe ikulāmbila kulī uswe. U Mbepo Mwīkēmo ikupa akayobelo, utubalilo tumo na masyu ugwe ukabagīla ukupīlikisya, kangī Umwēne ikutëndéka imbepekelo kuli uswe. Ikyo kyo iki u Mbepo Mwīkēmo ali.

<sup>63</sup> Akabalilo kāko une ngwenda mu kalikosa, une—une ngwenda bo mwanike unnini; ugwe kwenda bo umwinitu unnini. Uswe, uswe tukwēnda nkīsu ikyāngīsi kīswīle na balugu, kīswīle ni mbībi, kīswīle na mbefyo, kīswīle na filifyōsa.

Ugwe kuyoba, “O, une ngutula. Une ngutula ukwegā ubumi bwa Kikristi. Une, une ngutula ukubomba *iki*. Une ngutula une ngubombaga *iki*.”

Komma ukutīla. Uswe tuli na Njobēli. Ameni. O, Umwene ikwima kifuki na uswe. Umwene ali mwa uswe, kangī Umwene ikutëndéka ukupepeka kuli uswe. U Mbepo Mwīkēmo, kingikingī, kingikingī ikupela unjobeli kuli uswe, kōsa akabalilo. Umwene yo Njōbēla gwītu. O, mūmo uswe tukupalisya Kyala panongwa ya ikyo!

<sup>64</sup> Ikyakufūnga, ikimanyilo, u Mbepo gwa Būmi, u Kyala gwa Kumwanya, u Nsūbīsi, u Būmi, u Njōbēli. Ngimba Umwene yo fiki? O, mwe! Uswe tubagīle ukubuka nkyēni ku sāla ni kyene.

<sup>65</sup> Lilino uswe tukusanukāga itolo pa miniti. Lilino uswe tukuyaga pakusuma lilino. . .

Aafingile kwa uswe mmasiku ga bumalikisyo! U Njōbēli uyu, ikifūngilo, ulufīngo, filifyōsa ifi uswe tuyobilepo isya Umwēne ikilo iki, na maelifu malongo ukubāsania ni fīngīpo, Ulwene lwāpegigwe lufīngo kwa uswe mu lisiku lyabumalikisyo.

Abene bakalinakyo Ikyene mu lisiku lila. Abēne itolo bāli ni kifūngilo mu mbili gwābo, ukuya kikole ni kimanyilo, ukwitika Ikyène kīsāga, kangī abēne balinkwēnda ukwisila mu nsyūngūlu gwa lulagīlo. Iki, abēne babūtīgwe mu nyōfu.

<sup>66</sup> Umwisyugu uswe tutikwenda ukwisila mu nsyūngūlu gwa lulagilo. Uswe tukwenda na maka ga busyuke. Uswe tukwenda ukwisila mmaka ga Mbepo, Yūyo yo kifūngilo kyītu icyānalōli, u Njōbēli gwītu ugwānalōli, u Nsūbisi gwītu ugwānalōli, ikimanyilo kyitu icyabwanaloli ukuti uswe tupapigwe ukufuma Kumwanya; abaswigisye, abandu abakindane, ukubombela mbusekesye, ukwegga Kyala pa Lisyu Lyake, ukukolela kilikyosa ikingi kisobi. Ilisyu lya Kyala lya litalusye. Ikyo kyo . . . O, mwe! Ikyo kyo iki u Mbepo Mwikemo ali.

<sup>67</sup> Ngimba umwe mukulonda Ikyene? Ngimba umwe mukabagile ukugana ukuya nakyo Ikyene? Unko uswe tukete linga Ikyene kyafingiligwe.

Lilino unko uswe tugomokele kwa Yesaya, Buku gwa Yesaya. Unko uswe tumwage untu gwa 28 ugwa Yesaya. Lilino uswe tukuyaga kwa Yesaya 28, kangu uswe tukuyaga pakwānda kifuki i . . . Unko uswe twege ilinandi lya 8, kēta iki Yesaya aayobile, ifyinja abamia bahano na babili na kalongo na fibili bo Ikyene kikāli ukwisa.

<sup>68</sup> Uswe twābagile ukuyo ikilūndiko kya iki, ukugomokela, injila yōsa ukugomokela, loli uswe itolo twisakwanda papapa apa nukukēta linga Ikyene kyāfingiligwe ku Kipanga. Lya lisiku nki Ilyene lyābagile ukwisa? Pa masiku ga bumalikisyo, akabalilo kako kwisakuyangapo u—u bubole. Lilino kumbukilāga, i lisyu lili mu bwīngi, “amasiku,” amasiku mabili ga bumalikisyo, ifyinja maelifu mabili.

Lilino, lilino ilinandi lya 8.

*Syōsa, kabuno i mēsa syōsa siswīle ni . . . finyanyasi,  
ukuti bukayapo nabumo ubuyo ubwīfyūsi.*

<sup>69</sup> Londesya ukusyungutila umwisyugu nukukyaga icyene. Keta ukusyungutila nukuketa linga uswe tuli mu lisiku lila. “Ifigemo fyosa!” Fiki, abene bikubuka ku Fyakulya fya Ntwa, kangu ikindu kyakwanda, mu lukindi lwa findu, bikwēga akapatu akaiyolo aka nkati akapepe pamo akabisikuti ka sōda, nukukamenyānia akēne nukutēndeka umugonesyo. Akabalilo kāko, ikyo kikubagile ukutēndekigwe na maboki ga Mbepo Mwikemo, kangu u nkati unsitakyakutupisya. Kristi akaya mbwāpufu kangu gwākinyanyasi, kangu ikyo kikummwīmilila Umwēne.

<sup>70</sup> Ikindu ikingi, abene bikupa icyene ku bandu aba bikunwa, bikusyoba, bikukwesa, bikuhīya, bikuly'ingambo, (whuu!) itolo kalikosa, pene pāpo abene bāli ku kipanga. Kiyeye kubutali icyene! Linga u mundu ikwegamo siku icyene akabalilo kako uswe tukulya iki apa, umwēne ikutūya nukunwa ikigune ku mwēne, kisita kugwāgania u Mbili gwa Ntwa. Linga umwēne atikwitūgāla ubūmi, ikyūngaga kubutali ku kyēne.

Kangi linga ugwe utikulya ikyēne, ikyēne kikunangisya ukuti amabyebye gako gene gatobesígwe. “Umwene uyu atikulya, akaya ni kiyabo na Une,” Yeso alinkuyoba.

<sup>71</sup> Lōli i mēsa syōsa sya Ntwa sisile ukuya siswīle ni fyakinyanyasi. Bukayapo nabumo ubuyo ubwīfyūsi. Pilikisya, linga ikyo kitikubonesya umwīsyūgu!

*Ywāni isa umwēne...ywāni isa umwēne ukumanyisya ubumanyi? kangi ywāni isa umwēne ukutēndeka...ukupilikisya ikimanyisyo?...*

*...ywani ikupilikisya ubumanyi?...ywani umwēne abagile ukutēndeka ukupilikisya ikimanyisyo?...*

“Ena, saya Kyala, une ne gwa Presbeteri. Une n’di gwa Methodisti. Une ne m’Pentekosti. Une ne m’Nazarene. Une ne m’Pilgrim Holiness.” Ikyo kitikusanusya ni kindu nakimo kwa Kyala; itolo i mesa yingi.

*...ywāni nisakupelaga une ukufumusya ikimanyisyo?...*

<sup>72</sup> Lo luko luki ulwa kimanyisyo; Methodisti, Baptisti, Presbeteri, Pentekosti? Ikimanyisyo kya i Bangeli!

*...ywāni nisakupelaga une ukufumusya ikimanyisyo?...*

<sup>73</sup> Ngimba ugwe kumanyaga bulebule akabalilo kāko ugwe uli nakyo Ikyēne? Uswe tukufikaga mu ikyo pa Kihano nkilo. Muketile?

*...ywani Une nguteendekaga ukumanya ikimanyisyo? (lilino keetesya) bala aba balumuligwe ukufuma ku lupyū, kangi bakwabigwe ukufuma ku mabele.*

<sup>74</sup> Utwana utunini tukuyoba, “Ena, une ngubuka ku kipanga, u māma gwangu ālingīle ku kipanga iki.” Une ngaya nakyo nakimo ikyākulwana na ikyo, nkundwe umpala. Kangi une ngusyagania iki kyo kikusimbigwa pa tepi. Ikyo kyo kili kanunu, ingilaga ku kipanga kya māma. Lōli, pilikisya, māma alyēndīle mu bwēlu bumo, ugwe kwēndēla mu bunine.

<sup>75</sup> Luteri alinkwenda mu lumuli lumu; Wesley ēndāga mu lungi. Wesley ingilaga mu lumuli lumu; Pentekosti alinkwenda mu lungi. Loli uswe tukwenda pa lwāpamwanyāpo ukukinda ikyo umwīsyūgu. Kangi linga yilipo i ngulilo iyingi, iyēne yikubukaga ukukinda uswe.

<sup>76</sup> Ukugomokela mmasiku ga kubwāndilo, akabalilo kāko ikindu iki kyāli kipapāte, kipapāte fiyo, Luteri āmanyīsyē ulwitikisigwe ukwisila mu lwītiko. Ikyo kyāli itolo ukutwala abandu ukufuma ku kiKatolika ukubuka mu kiProtestanti, mu bwinitu ukusyungutila i Lisyu. Ubwītikisigwe nu lwītiko, kila kyāli kyākusyūngutila ikinywāmu ikipapāte. Abēne bakāsemilēmo siku ukufuma ku ikyo.

77 Mula lulinkwisa ulusasanio ulungi lwākōliligwe Yohani Wesley. Ikyēne kilinkubasenyenda abēne pāsi ukufuma ku kila, kangi ukuntwāla umwēne pāsi ku bukemesigwe, itūgàla u būmi ubununu, ubwīfyūsi, ubūmi ubwīkēmo, bukemisigwe ni Lisyu lya Kyala, ukupa ubusangalufu mu ndūmbula yāko. Kila kyāsényendile ukusōsya ikilūndiko kya kimanyisyo kyaLuteri.

78 Polelo pala palinkwisa Pentekosti nu losyo lwa Mbepo Mwikemo, kangi balinkusekelesya ikyēne pāsi kangi, ukwisila mukwambilila u Mbepo Mwikemo. Uko ko kutalusya.

Kangi lilino ikyo kyo kikwānda ukuyugānia pāsi. Kangi ifikungilwa, kangi ukupyanikisya, kangi u Mbepo gwa Kyala isilemo, mu bwisusye bwa fimanyilo ni fiswigo, mu Kipanga, kangi kisenyendile Pentekosti. Ngimba ikyene kyo fiki? Uswe tuli kifuki fiyo ku Kwisa kwa Ntwa Yeso, mpaka u Mbepo yulayula uyu āli mwa Umwēne ikubomba mu Kipanga, ukubomba ifindu filafila ifi Umwene ābombile akabalilo kako Umwene āli apa pa kisu. Ikyene kikayamo siku kulikosa, ukugomokela ukufuma pa kabalilo ka batumigwa mpaka akabalilo aka.

Nongwa ya fiki? Muketile, ikyēne kyo kipapāte; kikusekeleka, kikusekeleka, kikusekeleka. Ngimba ikyene kyo fiki? Itolo bo mūmo ikiboko kyako kikwisa ku nsyūngūlu; ikisitakupalamasigwa, ikisitakupalamasigwa, kisitakupalamasigwa. Loli ikyene kyo fiki? Ikyene kyo kyakundalika. Ngimba Luteri aali fiki? Ukundalika kwa Kristi. Ngimba Wesley aali fiki? Ukundalika kwa Kristi.

79 Kēta, i ngulilo ya Billy Sunday yāmalike lululu. Ilisiku ilingi, ugwaiyolo Dok. Whitney, amanyīsyw papapa apa pa kigemo iki, ugwabumalikisyo yula ugwa sukulu yayolo, alinkufwa, ukusyungutila malongo-mahano-na-mana, une ngusakikisya. Billy Sunday aali yo gwalusasanio gwa fipanga ifyangamu-itolo mu lisiku lyake. Umwēne akalekileko ikibuli kakimo; ukwīma pamwanya pala nukuywēga, “Mwēsa umwe baMethodist mutikile injila ya lufūmbi lwamatapwa, balūmbilile na bōsa! Mwesa umwe ba Baptisti mutikile akayila ka lufumbi lwa matapwa! Umwe baPresibeteri!” Umwene akālekilēko ifibuli nafimo. Umwene ali yo Billy Graham ugwa lisiku ili.

80 Kētēsya. Kangi polelo, akabalilo kalakala aka ikipanga ikyangamu-itolo kyaayaga nu luyigo lwabo, fiki fyaabonike pa buyo? Aba Full Gospel bāyàga nu luyigo. Pala palinkwīsapo a bakundwe baBosworth, Smith Wigglesworth, kangi Dok. Price, Aimee McPherson, bōsa bala.

Kēta, Smith Wigglesworth āfwile ikilo kimo. Dokotala Price alinkufwa ulubūnje lwākukōnga. Nkati mwa sala malongo-mabibili-na-sina une nāli pa ngunda.

81 Lilino ubumalikisyo bwangu bukwisa bukusuluka. Keta kuno...Ugwe utikupilika fingi fya Billy Graham. Ugwe

utikupilika fingi fya Oral Roberts. Une nguketa ingomano sikugw'unsyungulu. Ngimba kitamisyeye kyo fiki? Uswe tuli kubumalikisyo, ingulilo iyingi.

<sup>82</sup> Ngimba Billy Sunday ālīsile bulebule muno, na bala? Abene bisile mula itolo ukufuma pa lusasano ulukulumba ulwa Moody. Ngimba mu ndili u Moody īsile nkati? Itolo ukufuma pa luyigo lwa Knox. Ngimba kabalilo kaki Knox isilemo? Itolo ukufuma pa lusasano lwa Finney. Finney ukufuma pa Calvin, Calvin, ukufuma. . . Polelo, Wesley, kangi Wesley ukufuma pa Luteri. Nkyēni ukusuluka mu ngulilo ukwene kulinkwisa. Mbibimbibi itolo bo ulusasano lumalike, Kyala ikufyusya u Lumuli ulungi; itolo lukumilisyeye ukwenda lulalula.

<sup>83</sup> Lilino uswe tuli kubumalikisyo bwa kabalilo aka. U nnyāmbala aligwesa akētīle ku bumalikisyoa bwa bulūngisano bwāke ukuya Kwisa kwa Kristi, lōli abēne bāli nakyo ikilūdīko ifyakugūlilako; ukugomokela kwa baYuda, inyāngabia isyakupululuka mmianya, fyōsa i fīndu ifi uswe tukukēta umwīsyūgu. Lōli uswe tuli ku bumalikisyo. Uswe tuli apa lilino. Abene bamenye i Kipanga kyāyaga pakwambilila a Maka aga gābagīle ukubōmba mu Kipanga imbombo silasila isya Kristi, panongwa yakuti bo u nsyūngulu gukuya nsolofu kangi nsolofu, kangi gukundalika ukongelelapo.

<sup>84</sup> Ugwe kwēga ikipepo. Pabotalipo ukufuma pa kipepo, kyo kinini-fiyō ikindalike ugwe kuyāga ukufuma ku kipepo. Bo kakīndilepo akabalilo, ikipepo kikufika pabupīpīpo kangi pabubupīpīpo, mpaka u mpiki ni kipepo kyo kindu kimokyēne.

<sup>85</sup> Lilino, u Mbepo gwa Kyala abōmbīle pāsi pa busaligwe, pāsi pa Luteri; ukukemesīgwe, pāsi pa Wesley; ulosyo lwa Mbepo Mwikemo, pāsi pa Pentekosti; kangi apa Ikyēne kili mu lisiku ilyabumalikisyo, kikubomba kangi kikubomba ifindu filafila ifi Ikyene kyābōmbile akabalilo kako Ikyēne kyāli mwa Kristi. Ngimba ikyene kyo fiki? I Kipanga kangi Kristi kisile ukuya Yumoywene.

Kangi nakalinga itolo bo Ifyēne fikupinyania palikimo, ikikolekelo ikyabumalikisyo kila, Umwene ikukindililaga mmwanya, ukuywega. Mmwānya isakwīsa Wesley, Luteri, na bōsa ba abēne ukugomokēla mmasiku gala kula, “umwēne yūyo yo gwākwānda isakuyaga gwabumalikisyo, umwēne yūyo yo gwabumalikisyo isakuyaga gwākwānda,” kangi pala pisakwīsa u busyūke bula.

<sup>86</sup> Uswe tuli nkabalilo ka bumalikisyo. Pilikisya, ikyo kyo iki u Mbepo Mwikemo ikubomba. U Mbepo Mwikemo, ukwisila mu kwitikisīgwa, muketile, itolo u nsyūngulu umpepe gwa Ikyēne; u Mbepo Mwikemo, ukwisila mu bukēmēsīgwe, paninipo nsyūngulu unsolofupo gwa Ikyēne; u Mbepo Mwikemo, ukwisila mu lōsyō lwa Ikyēne, unsyūngulu unsolofupo; lilino u Mbepo Mwikemo, ukwisila mukugomokesya kwa Mundu Gwake

yulayula ukuya nkati muno, ukubũmba ifimanyilo ni fiswĩgo mũmo Umwẽne abõmbile ku bwãndilo. Whuu! Lwimiko! Ngõlelaga une “mbunguluka-mwikemo,” mulimosa, ugwe ubagile itolo ukwanda lilino.

<sup>87</sup> Pilikisya, bakundwe, pilikisya ku iki.

*...syõsa i mẽsa siswile na matësi. . .pala bukayapo nabumo ubuyo ubwifyüsi.*

*Ywani umwẽne isakumanyisya ubumanyi? . . .ywãni umwẽne isakutëndékaga ukumanyigwa, ukupilikisya kimanyisyo? bala bãbo balumuligwe ukufuma ku lupyu, kangi bakwabigwëko ku mabele.*

Komma bãna banini; abãna ba Presbeteri, abãna ba Methodisti, abãna ba Pentekosti, abãna ba Luteri, abãna ba Nazarene. Umwẽne ikulõnda umunduyumo uyu yo ikwĩgana ukusõkako ku mabele nukulya ikyãkulya ikyamaka. Apa ikyẽne kikwisa:

*Kabuno i fũndo yikufimbilisigwa ukuya pa fũndo, . . . pa fũndo; lükĩndi pa lükĩndi, . . . pa lükĩndi; apa panini, kangi pala akanini:*

*Kabuno ni milomo igwakitabu ni ndimi isingi Une nisakuyoba ku bandu aba.*

*Kwa bãbo umwẽne ayobile, Ulu lo lutũsyo mũmo ugwe ubagile ukupela abakatale ukutũsya; kangi ulu lo lwipũpwo: lõli abẽne balinkusita kupilika.*

<sup>88</sup> U Mbepo Mwikemo, linga iyo yikaya njila itolo Umwene aalisile pa Lisiku lya Pentekosti, kisololĩgwe ifyinja malongo-mahano-na-mabili-na-kalongo-na-fibili bo kikãli Ikyẽne ukwisa! Apa Ikyene kili pa Lisiku lya Pentekosti, ukwisa katikati itolo.

<sup>89</sup> Umunduyumo alinkuti, “Kyunga isiku lya sabãta.” Une ndikukana mma pamo ukupela kipepe bwa kipanga kya aligwesa pamo ubwĩpũti. Loli alinkuti, “Isiku lya sabãta, u sabata gwa Kyalala aali ilisiku lya lutũsyo.”

Apa lilipo i lisiku lyalutũsyo. “Ubu bo butũsyo.” Umwẽne alinkuti, “ubu ugwe kupela abakatale ukutũsya.” Iki kyo ikyẽne. Amen! “Ikyẽne kisakuyaga fũndo pa fũndo, lükĩndi pa lükĩndi.” Apa po bulipo u butũsyo. Ngimba u Mbepo Mwikemo yo fiki? Butusyo. O!

*Isaga kwa une, mwesa umwe mukusukulika kangi muli nu nsigo unsito, kangi une ngubapaga umwe u butusyo.*

<sup>90</sup> Ngimba Umwẽne yo fiki? Yũyo uyu ikwisa mwa umwe, ikubapa umwe ulutẽngãno; ikimanyilo kyĩnu, u Nsũbisi gwĩnu; usũbisigwe, ku butũsyo, ufũngilĩgwe.

<sup>91</sup> Ngimba ugwe uli bulebule. . .? Ikyene kyo kimanyilo; ikisu kyapasi kimenye ikindukimo kibonike kwa ugwe. Ngimba Ikyene kyo fiki? Ikyène yo Nsübìsi. Ngimba Ikyène kyo fiki? I kifüngilo. Ugwe uli pa butüsyö. Ugwe ubömbile. . .Ikyène yo Njóbèli gwäko. Linga, ugwe, ikindukimo kikuboneka kwa ugwe, kilipo i Kindukimo pala ukupela u njóbèli kuli ugwe mbibimbibi palapala, muketile, ukupela inyímila-pakati. Umwene yo Mbepo gwa Kyala gwabumi n’Kipanga, alinkusolola katikati iki Ikyene kikuyaga akabalilo kako Ikyene kikwisa. Ikyène kikuyaga bwabwílanabwíla, butüsyö Bwäsýèpwa.

<sup>92</sup> Kyala ätëndíke ikísu. Bahiburi, untu gwa 4. “Kyala ätëndíke ikísu, kangí alinkutusya pisiku lya buhano na bubili.” Uko ko kutalusya.

I lisiku lyalwéle ukwísa ukugomokela ukusyüngutíla, pási. . .Umwéne alinkupa ikyo ku baYuda ukuya lwítíkàno, ku bwíngi bumo bwa kabalilo. Uko ko kutalusya. Lóli abéne bikubúka nukwakusya ilisiku limo; ukugomokela, ilisiku lyakwánda ilya ndungu, ukwánda kangí, ikipyá, ukwanda itolo. Ubo bukaya butüsyö ubu Kyala äyobilèpo mma.

Akabalilo káko Kyala ápelile ikisu mu masiku mahano na limo, akabalilo káko Umwéne äbukile kukutusya, Umwene alinkutusya ukufuma akabalilo kala ukukíndilíla. Uko ko kutalusya. Ikyo kyamalísýe ikyene. Umwene akägomokile pisiku lya lwele kangí ukwanda kangí.

<sup>93</sup> Ilyéne lyáli itolo nsyüngùlu. Lilino, kila kyáli kyákwegélela, ngatí mwési ku lisuba; lóli akabalilo káko ilisuba likufyuka, uswe tutikufumbwa u mwési kangí mma. Lilino kétésya iki, o, mu Busetuli 11, “U nkíkúlu nu mwési pási pa njayo syáke, kangí ilisuba ku ntu gwáke.” O, uswe twábagile ukukíndamo mu i Bängéli, ukufuma ku kikipililo mpaka kikipililo, nukubanängísya umwe. Muketile?

<sup>94</sup> Loli ikylene kyo fiki? Akabalilo kako, ili Bängèli lyäyobile mu Bahiburi untu gwa 4, “Linga Yeso äbagile ukubapa abéne i lisiku lyabutüsyö, Umwéne ängali abömbile pankyèni-pake ayobilèpo isya ikyène; Umwéne ängali ayobilèpo isya lisiku lya butüsyö.” Ngimba Umwéne äyobile fiki, u butüsyö?

*Isaga kwa une, mwesa umwe mukusukulika kangí muli nu nsigo unsito, kangí Une ngubapaga umwe u butusyo.*

<sup>95</sup> Matai untu gwa 11, ilinandi lya 22. . .Keta, polelo, uswe tukwaga ukuti akabalilo káko uswe tukwisa ku Mwene. “Kabuno umwene,” alinkuyoba Bahiburi 4, “uyu íngíle mu butusyo bwa Yeso, alekile ukufuma ku mbombo syáke isyankísu, mūmo Kyala äbombíle ukufuma ku Syáke,” akabalilo káko Umwéne ätëndíke ikísu, ukusitakugomokelamo siku ku kyéne kängi. Kabalilo katali bule? Ngimba kabalilo katali kaki ugwe ufüngiligwe nu Mbepo Mwikemo? “Mpaka ilisiku lya butabulo



bwīnu.” Apo po bulipo ubutūsyō, ulusūbisyo, Njōbēli, fūngilo, Mbāngi. O! Une ngufikapo nduko lwa kunyenyemusigwa, pamo une ngufikapo nduko lwa kusayigwa. O!

<sup>96</sup> “Ngimba Ikyene kifingigwe kwa uswe, Nkundwe Branham? Ngimba ikyene kisisimikigwe ni Bāngéli?”

Umma ndaga, unko uswe tubūke kwa Yoeli, tusyagania iki Yoeli āyobīle ukufwana ni Kyene.

Mumo une ndi gwakupalisya panongwa ya Lisyu lya Kyala ilisayigwa! Ngimba umwe muliganile Ilyene? Une ngwinogona ukuti linga ikyene kikāli kuli Lisyu, une ngamanya kūko uswe twabagile ukwima. Umma ndaga.

Uswe tuli kwa Yoeli lilino. Uswe tukuyaga kwa Yoeli, untu gwa 2 gwa Yoeli, kangi uswe tukwanda pa linandi lya 28. Yoeli 2:28, ifyinja abamia lwele bo kukāli u kwisa kwa Kristi, u nsololi mwa Mbepo. Lilino pilikisya.

*Kangi ikyēne kisakwisa ukuboneka ukufuma apo, ukuti une nisakōnelelaga u mbepo gwangu pa mbili guligosa; . . . a bānabalumiana binu kangi bānabalindwana binu bisakusololaga, abanyambala binu abakusi ubaiyolo bisaku gogwaga i njosi, kangi abanyambala binu abatubwa bisakukēta imboniboni:*

*Kango pōpe pa bāngu ababōmbi kangi pa babombi-bakikulu bāngu nisa une ukōnelēla panja mmasiku aga. . . ukōnelēla panja, mmasiku gala, ifya mbepo gwāngu.*

*Kangi Une nisa kunāngisya ifiswigo mmyānya kumwanya kangi nkati nkisu, ililopa, . . . umoto, kangi imbanda sya lyōsi.*

*Ilisuba lisakwānduligwa ukuya mu ngisi, kangi u mwēsi mu lilopa, bo i lisiku ilikulumba kangi. . . i lisiku ilisisya ilya NTWA likafika.*

*Kangi ikyēne kisakwisa ukuboneka, ukuti aligwēsa isakubilikilaga pa ngamu ya NTWA isakuponesigwe:*

<sup>97</sup> Ikyo kyo. . . O! Fiki? Yoeli! Ngimba umwe mwākētesisye? Mu Imbombo 2, Peteri alinkweega ilinandi lilalila. Alinkuti, “Umwe banyāmbala ba Israeli, pilika amasyu aga. Aba bakaya bagāle,” aba abafūngiligwe, abasubisigwe, abaswīgisya abāndu abangw’āligwe. “Abēne bakaya bagāle mma, bo umwe mukusakikisya,” Imbombo 2, “ukukēta ukuti iyi yo sala ya butatu iya lisiku. Lōli iki kyo kila iki kyāyobīgwe na Yoeli unsololi, ikuyoba, ‘Ikyene kisa kubonekaga mmasiku ga bumalikisyo ukuti Une nisakonelelaga u Mbepo Gwangu pa mbili guligosa.’”

<sup>98</sup> Ngimba Ikyene kyo fiki, ngimba u Mbepo Mwikemo yo fiki? Umma ndaga, lilino unko uswe tukētēsye kangi, afindile ku bitiki, ikyo kyo iki Ikyene kili. Lilino, u Mbepo Mwikemo uyu,

uswe tukusyagania iki Ikyene kili, itolo i miniti. Ngimba kwa ywāni Ikyene kifingigwe? Ku bitiki.

Lilino unko uswe tubūke kwa Luka, untu gwa 24 gwa Luka, pilikisya iki Yeso āyobīle mu Lisyu Lyāke lyābumalikisyo bo Umwēne akāli ukusōkāpo pa kīsu. Luka untu gwa 24. Kangi umwe mwe mukusimba iki pāsi lilino, ugwe ubagile ukukisimba ikyene pāsi, polelo funda ikyene kilabo akabalilo kako ugwe uli na kabalilo kingi. Lilino, Luka 24:49, pilikisya kwa Yeso ikuyoba. Ku bumalikisyo, akabalilo kāko Umwene ifyūkaga mmwanya mu Lwimiko, u lufyūko, apa galipo a Masyu Umwene alinkuyoba ku bafundigwa Bake.

*...keta, Une ngutuma ulufingo lwa Tāta gwangu...*

Lo lufingo nki? U kifungilo, u kimanyilo, u Nsūbisi, kangi fyōsa ifindu ifi fifyo une njobelēpo, ukubāsania maelifu ukōngelelāpo.

*...Une ngutuma ulufingo lwa Tata gwangu pa umwe:...*

Lo lufingo luki? “Lula ulu Yesaya aayobile lukwisaga, ‘Ni milomo igwakitabu ni ndimi isingi Une nisakuyoba ku bandu aba.’ Une nisakutuma ubutusyo bula pa umwe. Une nisakutuma iki Yoeli āyobelaga ngapo, ukuti, ‘Ikyene kisakwisa ukuboneka mmasiku ga bumalikisyo, ikuti Kyala, Une nisakōnelelaga u Mbepo Gwangu pa umwe.’ O, une ngukutumilāga kwa ugwe, nukutēndēka ifikolo fyōsa, abāndu bōsa, ukwanda ukufuma ku Yerusalemu. . . Une nisakutwālāgamo i mbeyu ya Abraham pāsi pa lwītīkāno ulu. Une ngufūngāga aligwēsa gwa bēne. Muketile, une nisakōnelelāga u Mbepo Gwāngu.”

*...Une nisa kutuma ulufingo lwa Tata gwangu pa ugwe: lōli u syāla umwe, kukusanusya, gūlila nkaya ka Yerusalemu, mpaka umwe mupepigwe na maka ukufuma kumwanya.*

<sup>99</sup> Ngimba u Mbepo Mwikemo yo fiki kokuti? “Maka ukufuma pa Mwanya!” Komma maka ukufuma kwa bishopu, komma maka ukufuma ku kipanga. Lōli, “Maka ukufuma pa Mwanya!”

<sup>100</sup> Ngimba a Maka gala galīsīle bulebule? Ukwisila “ukwingila i kipanga”? Une ngusania umwe ukubomba, ukuyoba ukuti uko ko kotalusya. Ukwīsila mu “kwīngila ikipānga, ukuyūgania amaboko nu ndumbilili”? Umma, nkulumba. Lilino, kwa umwe ba Katolika, “ukusosya panja ululimi lwinu nukwakweega umugonesyo gwa kwanda”? Umma, nkulumba.

<sup>101</sup> Ngimba Ikyene kyālīsīle bulebule, Maka ukufuma ku Mwanya? Unko uswe tubāle ukukindilila ukukindililila panini. Unko uswe tubuke ku Imbombo 1:8. Abēne bikwībūngānia palikimo lilino. Lilino abene bayobaga isya Yeso apa, akabalilo kako abene bālibungenie palikimo, kangi bātalīle bāsayile uyungi ukwega u buyo bwa Yudasi. Imbombo 1:8.

*Lōli umwe mwisakwambililága a maka, ukufuma iki u Mbepo Mwikemo isile pa umwe: . . .*

Fiki? “Ugwe yaga mbakasya ya Branham Tabernacle”? Umma. “Ugwe yaga mbakasya ya kipanga kya Methodisti, i kipanga kya Katolika, u Presbeteri”? Komma lūlo, mu i Bāngéli. Ikyo kyo kimanyisyo ikitēndekigwe-nu-mūndu.

“Loli umwe mwisa kwambililaga a Maka ukufuma pāpo umwe mufumile ukuya ndumbilili”? Umma, nkulumba. “Ugwe kwisakwāmbilila Maka ukufuma pāpo ugwe uli na gwāko Bachela gwa Fyākwàta”? Umma, nkulumba. “Ugwe kwīsa kāngi- . . .gakwīsa a Maka ukufuma pāpo ugwe kwēga ugwāko DD”? Umma, nkulumba. “Ugwe kwisakwambililága a Maka ukufuma pāpo ugwe gōsigwe mmisi”? Umma, nkulumba. “Ugwe kwisakwambililága a Maka ukufuma pāpo ugwe ulīle ungonelo gwākwānda”? Umma, nkulumba. Muketile, ikyo kyo findu fyosa ifitendekigwa-nu-mundu.

<sup>102</sup> Pilikisya iki i Bāngéli lyāyobīle, iki Yeso āyobīle.

*. . .umwe mwisakwambililága a maka, ukufuma ukuti u Mbepo Mwikemo isile pa umwe: (ngimba u Mbepo Mwikemo yo fiki? a Maka) polelo, ukufuma apa, umwe mwisakuyaga baketi. . . (“Itolo umwe kalongo-na-babili, umwe bakēti ku Yerusalemu”?) . . . umwe mwisakuyaga baketi kwa une bosa-babili nu Yerusalemu, . . .Yudai, . . .Samaria, kangi ku i fyakubutali-fiyō ifiyabo fya kīsu. (Ifi fikafikigwāmo siku mpaka nalīno.)*

*Kangi akabalilo kako umwene āyobīle ifindu ifi, . . . akabalilo kako umwene āyobīle ifindu ifi, akabalilo kako abene bikumbona umwēne, umwēne ālyēgigwe mmwanya mu i libīngo kangī ukwāmbililāgwa. . . ukuyōnga kubunonekelo bwābo.*

<sup>103</sup> Lilino sanukila itolo ukukilania i lyani, kētēsya isololi isi sisīle ukuboneka.

*Kangi akabalilo kāko i lisiku lya Pentekosti lyālisīle nubwisusye, abēne bāli m’bumobwene. . . abēne bāli nu bwitikisano bumo mbuyo bumobwēne.*

“Kangi mbibimbibi itolo u ntimi alinkwisa mula kangī. . .”? Une nsōkilepo pa lukindi pala, bule une? “Mbibimbibi itolo u mpūti ikwisa pa kigemo”? Umma.

*Kangi mbibimbibi itolo pala palinkwīsa akōgo. . .*

Komma itolo ukwipela-mwitiki; Akene kāli pala, akogo.

“U ndumbilili āsegelelāga i kifigo”? “U mpūti āli nu mugonesyo, ikusōka ukufuma ku buyo ubwikemo”? Umma, nakimo bo ikyo.

*. . .pala palinkwisa a kogo ukufuma ku mwanya. . . (Komma ukukalasila kwa malundi) . . .pala palinkwisa*

*a kogo ukufuma ku mwanya ukuya...u mbelo  
ugwakubopa ugwamaka (O, mwe! Whuu!...?....)...  
kangi ikyene kilinkwisusya i nyumba yosa mûmo abene  
balitugesye.*

<sup>104</sup> Ngimba u Mbepo Mwikemo yo fiki? Apa po pāpo abēne bikugāga a Maka. Apa po pāpo abēne babagile ukugūlila; apa po silipo isi syābonike akabalilo kāko abēne bābōmbile ikyēne. Bōsa balinkusolola, ukufuma Bwāndilo kulakula nkyēni ukwīsa, ukufuma Abraham kulukula nkyēne ukukīndilila; Ikyēne kīsaga, kangi mūmo Ikyēne kīsilāga, kangi ifyakukōnga fisaga. Ngimba Ikyene kyo fiki? Kifingiligwe ku Kipanga, ku bitiki.

*...kangi kilinkwisusya mu nyumba yosa kūko abēne  
bālitūgesye.*

*Kangi pala silinkubonekela ku bēne indimi  
immenyanie ngati...isya moto, kangi ikyēne  
kyālitūgesye pa aligwesa gwa bēne.*

*Kangi abēne bāli bōsa bīsusigwe na Mbepo Mwīkēmo,  
kangi bikwānda ukuyoba ni ndimi isingi, bo mūmo  
Mbepo ābapēlāga abēne ubuyobelo.*

Lilino uswe tukuyaga pakufikako pa ikyo, Kihano nkilo. Uswe twisakuleka ikyo palapala pala, muketile.

<sup>105</sup> Ikyene kyo bulebule? Ulwene lo lufingo ku Kipanga, naloliloli u lufingo. Umma ndaga.

<sup>106</sup> Lilino, lilino uswe tukuyaga pakusyāgānia, ukufuma pāpo abēne bālisusigwe, abēne bafūngiligwe mpaka kabalilo katali kaki? [Ikilundilo kikuyoba, “Ku lisiku lya kutabuligwa.”—Nsimbi.]

Balinga muno bali na Mbepo Mwikemo? Unko uswe tukéte amaboko ginu. Balipo bingipo na Mbepo Mwikemo ukukinda aba balipo kisita. Uswe tukulonda ugwe ukuya yumo gwa uswe, nkundwe, kalumbu. Akabalilo kako umwe mukupilikisya iki Ikyene kili, Ikyene kyo...Ikyene yo Mbepo gwa Kyala ikwitugasya mwa ugwe, ukubomba imbombo sya Kyala.

Akabalilo kako Kyala atumilemo siku aligwesa gwa Mbepo Gwake mwa aligwesa gwa babōmbi Bake, aligwesa gwa basololi Bake, aligwesa gwa bamanyisi Bake, aligwesa gwa batūmīgwa Bāke, abēne akabalilo kōsa bāpikīgwe ni kisu. Abēne balīnogonīgwe basyūtano, mu ngulilo yiliyōsa yāli pala. Pōpe na kabalilo kāko Pauli ālīmīle pankyeni pa Agrippa, umwēne āyobīle, “Mu njila iyi yo yikukōleligwa figili...” Ngimba u *figili* fyo fiki? “Nsyūtano.” “Mu njila iyi abene bikukōlela basyutano, i kipambo kya manāti, iyo yo njila une nguntufya u Kyala gwa batāta bitu.” Une nhobwike fiyo ukuti une mbagile ukuyoba une ndi yumo gwa bene. Ena, nkulumba. Uko ko kutalusya. Une nsangalwike fiyo une mbagile ukuyoba une ndi yumo mwa bene.

<sup>107</sup> Lilino, ukufuma pāpo u Mbepo Mwikèmo āgwīle pa bene, Ikyene kyāpelīle abene fiyo ndumbula-nyafu mpaka kilikyosa kyāli kyābōsa. Ngimba uko ko kutalusya? Mwe, mwe, bo bulilansi buki! Uswe tukwimba ulwimbo lula akabalilo kamo, “O, bo bulilansi buki! O, bo buhofu buki Bwakyala!” Ikyo kyo kyene. Abene bakāpasyāga, abene bakāpasyāga kali i—i lisuba lyāmulikaga pamo mma. Abēne bakasūmīle kuli ikitala kyamaluba ikya bupepe.

“Lilino, une ngwambililaga u Mbepo Mwikemo,” bikuyoba abandu bamo kwa une, “Tata. Branham, linga ugwe kunsisimikisyaga une ukuti une nguyaga nkabi gwamaelifulu, linga ugwe kwisakunsisimikisyaga une une nisa kufyagaga ifisiba fya mafuta, kangī linga une nisakugāgāga kubukūmbilo bwa golidi, kangī une—une . . .” Muketile, abāndu bikumanyisya ikyo, kangī abēne bikumanyisya ubutungulu. Kyala akafīnga ifindu ifyo.

<sup>108</sup> Unnyambala uyu ikwambilila u Mbepo Mwikemo atikupasya kali umwene ikusumasumaga kuli u nkati, pamo mma. Kitikupela ukukindana kulikosa ku mwene. Umwene yo kipeligwa kya kutalula-Kumwanya. Umwene atiku . . . Umwene akaya nu kupinya kuno, na panandi. Uko ko kutalusya. Umwēne atikupāsyā mma. Unko kīse, unko kibūke, kya fiki kibagīle. Unko abēne balōndēsye-ubusobi, ukutēndēka ulūgīlo. Tāgāga uluyīndīko lwāko, ngimba ugwe kupāsyā fiki? Ugwe uli pa nsebwe gwāko ku Lwīmīko! Aleluya! Amaso ginu gitugesye pa Kristi, kangī ugwe uli pa nsebwe gwako. Ugwe utikupasya iki ikisu kikuyoba.

Ikyo kyo iki u Mbepo Mwikemo ali. Ikyēne kyo Maka, Ikyēne kyo kifūngīlo, Ikyēne yo Nsūbīsi, Ikyēne kyo Njōbēli, Ikyēne kyo kimanyilo. O, mwe! Ubwēne bo busisimikisi ukuti Kyala akwambilile ugwe.

Ngimba kabalilo kīngi bulebule aka une negile? Une ndinago itolo amaminiti lwele agakongelelāpo. Umma ndaga. Unko une . . . Une ndinago a Masimbo mingi apa. Une ndikusakikisya ukuti une mbagīle ukugega agene nkati, loli uswe twisa—uswe tukugelaga kubununu bwitu ukukinda.

<sup>109</sup> Lilino, ukufuma pāpo u mūndu īsusīgwe na Mbepo Mwikemo, ngimba ikyene kyakubombigwa ukuti ubufwimigwe ni findu fibagīle ukumpela umwene ukuti afimbilisigwe ukugomokela kangī . . . Lilino, umwene atikuntaga, umwene akaali mwanundumiana gwa Kyala, umwene bwila ikuyaga, panongwa yakuti umwe mufūngīlīgwe kabalilo katali bule? [Ikilundilo kikuyoba, “Ku lisiku lya kutabuligwa.”—Nsimbi.] Uko ko kutalusya. Ikyo kyo iki i Bangeli lyāyobīle.

<sup>110</sup> Lilino, ukufuma pāpo abafūndigwa bākomīgwe, abēne bafumile bakūgīlīgwa, ukusekigwa, na filifyōsa, abene binogonaga akene ko kabalilo akakugomokela palikimo pa

kabalilo kanini. Unko uswe tusanukile ku—ku Imbombo untu gwa 4, kangi tukete akabalilo kako abene. . .iki kyābonike. Lilino iki kyo kwa umwe bāndu mwe mutalile muli nakyo Ikyēne. Imbombo untu gwa 4.

Lilino, Peteri na Yohani bākomígwe, ukubīkigwa mminyololo, panongwa ya bubumbulusyo, ukuya nu lukomano lwa lubumbulusyo pa pānja pa kipata kya kipanga. Balinga bamenye ikyo? Ālipo u nnyāmbála alambalele pala, u luko lwa balemale mmalundi gāke. Umwene alinkutoligwa ukwenda; āli yo njila yila ku finyinja malongo mana. Kangi Peteri alinkukilania ukukīndilila. Kangi umwēne alinkuyoba. . .alinkukolelēla mmwanya ikikopo kyāke, ukukaba ikindukimo ukubīka mu kikopo kyāke, kuli ifyākulya.

Kangi Peteri ānāngīsye ukuti umwēne āli ndumbilili gwa Mbepo-Mwikemo, umwēne akāli ni hēla yiliyosa. Umwene alinkuti—umwene alinkuti, “Siliva na golidi une ngaya nafyo nakamo.” Muketile, umwēne akāpāsyağa isya ikyo. Lōli umwēne āli i—i kipeligwa kitalula-Kumwanya. O, mūmo une ngunyonywa uswe twāli na kabalilo ukwāla mu kila akabalilo kanini pala, muketile. Umwene āli ntalula-Kumwanya. Umwene āsubisīgwe. Umwene aali na Mbepo. Umwene aali na Maka. Umwene alinkwenda nkyeni nukuyoba, “Siliva na sahabu une ngaya nayo nakamo, loli u luko ulu une ndinakyo une ngukupaga ugwe.”

Kisita kwilamwa u nnyambala yula alinkuti, “Ngimba fyo fiki ugwe uli nakyo, nkulumba?”

“Une ndinalo ulwitiko. Une ndinakyo ikindukimo mu ndumbula yangu iki kyaalyandilepo ukufwana amasiku kalongo aga gakīndilēpo. Une nāli nkyumba kya pamwanya pala, kangi mbibimbibi itolo, ifingo syōsa isi Kyalā āpelīle. . . Une nālyēndīle na Yeso Kristi ku finyinja fitatu na sinda. Une ndinkulob’iswi nu Mwene, panja ukukwaba iswi. Une mbombile ifindu ifikindanekindane ifi. Kangi une nālimbwēne Umwēne ukubumbulusya ababine. Une. . .Umwene alinkumīlīsya ukumbula une, ‘U Tāta ali mwa Une; lōli akabalilo kāko une ngusōkāpo, Umwēne isakwīngīla mwa ugwe.’ Popāpo, une ndinkutoligwa ukupilikisya ikyo. Loli Umwene alinkuti, ‘Lilino, une ndikugūlila ugwe ukupilikisya ikyene.’”

Ugwe utikupilikisya ifindu ifi; ugwe itolo kufyēga ifyene. Une ndikupilikisya ikyēne mpaka līno. Kangi komma ukumbula une ugwe ukubōmba; nongwa yakuti, ugwe utikubōmba. Muketile? Polelo, une ngabagila ukupilikisya Ikyene, une ngabagila ukukilingania Ikyene; loli, ikindu kyene iki une nkimenye, une ndinakyo Ikyene.

“Mulimosa, mulimosa,” ugwe kuyoba, “ikyo kikaya kyamwasayansi mma.” O, naloliloli ikyene kili.

<sup>111</sup> Keta imuli sila. Akabalilo kako Benjamini Franklin alinkukola icyene, umwene alinkuti, “Une nkyāgile iyene.” Umwēne akākimenye iki umwēne āli nakyo, lōli umwēne ālinakyo icyēne. Kangi une ngulōnda umunduyumo ukumbūla une ikilo iki kikyō amagesi gali. Abēne bakamanya mpaka lino iki icyēne kili, lōli uswe tuli nakyo icyēne. Ameni. Uko ko kutalusya. Akayapo u mūndu nayumo ikumanya iki iligesi lili. Abēne babagile ukulikolekela ilyēne, ukulipela ilyēne ukumulika, ukulipela ilyēne ukwāka, ukupela ilyēne ukubōmbēla. Lōli ilyēne lyo—ilyēne lyo likusōsigwa na basōsi, ifipatu fibili fikubopesania palikimo bo *ulo*. Ikyene kikutwala ikyo, kangi ikyo kyo kyosa iki abene bamenye. Ikyene kisakumpa u lumuli, kangi ikyene kili na maka mu kyene.

<sup>112</sup> Kangi ikyo kyo bo yu Mbepo gwa Kyalā. Akabalilo kāko ugwe kwēga akayabo kamokene, yo ugwe, kangi akayabo akangi yo Kyalā; kangi ukufitwala ifyene ukubopa ukusyungutila palikimo bo *ulo*, icyene kisakubombaga ikindikimo kwa ugwe. Uko ko kutalusya. Ikyēne kisakupa Bwēlu. Ikyēne kisakupa amaka. Ugwe utikumanya iki Ikyene kili, kangi utisakumanyamo siku iki Ikyene kili, lōli ugwe umenye akabalilo kako ugwe uli nakyo Ikyene. Ikyo kyo kindu kimokyene ikyanaloliloli. Kangi Ikyēne kyo kya ugwe. Ikyēne kyo kyāko. Ubwēne bo busisimikisi. Uko ko kutalusya.

Ngimba u bwēlu *bula* bukunāngisya fiki? Bulipo ubusisimikisi. Ubwēne bo bwēlu.

Lilino kētésya iki. Lilino, umwe mukamanya iki Ikyene kili.

<sup>113</sup> Lōli abinitu aba bāyobile, “Ena,” abene bāli...abene balinkuyoba ikindu kimokyene iki abene bamenye, “uswe tumenye ukuti abene bo basitakumanya.” Bamo abakongelelapo “amanāti,” umwe muketile, bo gwa kiJeremani unnini āyobile umwene āli. Muketile? Alinkuti, “Abēne bo basitakumanya kangi basitakumanyila. Lōli abēne bafumile pakuya na yula u Ndoba’nswi, yula u Nkeka-matapwa pāsi pīsilya, ikukōleligwa Yeso, une nisakubabūla umwe, panongwa yakuti abene bikubomba ifindu filafila Umwene ikubomba.”

<sup>114</sup> Ikyo kyo iki u Mbepo Mwikemo ali, yo Yeso gwabumi mu ndoba’nswi, u nkeka-matapwa, pamo kilikyosa, undumbilili unsitakumanya, kilikyosa icyene kili. Umwene yo nnyambala uyu ikulonda ukuya nsitakumanya ku findu fya nkisu, nukumwitikisya u Yeso ikwisa mwa umwene, u Mbepo gwa Kyalā, i fungilo, u Nsūbisi. Umwēne atikupāsya isya bwapamwanya; kyēne i kīndu umwēne ikulōnda yo Kyalā.

<sup>115</sup> Akabalilo kako Kyalā itugasyege ndubatiko, Umwene alinkuti, “Mwesa umwe Banyalevi, une mbakolile umwe nukubatendeka umwe baputi. Kangi bosa abakundwe bāko, abāngi, uluko kalongo-na-babili kangi...abangi u luko kalongo-na-yumo bisakukuhōmba ugwe ifyākālōngo.”

“Akabalilo kâko ugwe kwêga ifilîndu lwêle-na-kimokyene ikya ma apulo, onelela kimokyene ku Banyalevi. Akabalilo kâko ukubopesya ing’osi syâko ukukînda mu—mu nyumba apa, salapo i ng’osi yakalongo. Une ndikupâsya linga iyêne yo nnini yimo, pamo nnywâmu yimo, undupano yimo, pamo indondo yimo, iyo yikuyabiligwa ku Banyalevi.

“Lilino, Banyalevi, akabalilo kako ugwe kukaba fyosa ifi, polelo ugwe kupaga’ifyakalongo, nûgwe, kwa Ntwa. Ugwe têndeka u lupi-lwakuyûgània, lupi-lwakwinukisya, ifyabupi ifikîndâne. Ugwe paga’ikyakalongo ku Ntwa.”

<sup>116</sup> Alinkuti, “Môse, kuli ikiyabo kyâko, Une ne gwâko.” O, mwe! Umwêne alinkuyoba, “Une ne kiyabo kyâko ikyakwîkutîsya.”

Kangi ikyo kyo iki u Mbepo Mwikemo ali ku Kipanga umwisyugu. Siliva na sahabu une ngaya nayo nakamo, loli une ndi nakyo i Kiyabo kyâkwîkutîsya. Haleluya! Ubumanyi, une ngabagila nubukafu nukubali i Buku ili, lôli une ndinakyo i Kiyabo ikyâkwîkutîsya. Ikyo kyo kinunu. I digrii ya Dokotala, une ngaya nalyo lililyôsa; aba Ph.D pamo ba LD, pamo nakimo ikîngi. Lôli kilipo ikindu kimokyêne une ndinakyo, i Kiyabo kyâkwîkutîsya. Ikyo kyo kiyabo iki une ngulonda. Ikyo kyo kiyabo iki Kyala ikulonda ugwe ukuya nakyo. Tâga ifindu fyôsi ifinine ifi ifyaiyolo, fyôsa ifyakwîfyûsya na filifyosa ifîngi, kangi enda pânja kangi kabaga i Kiyabo kwâkwîkutîsya kya Kyala.

<sup>117</sup> Panongwa yakuti, iki umwe muli nakyo ikya kîsu iki, umwe mwisakukileka apa akabalilo kâko umwe mukusôkâpo. Lôli linga ugwe uli nakyo i Kiyapo ikyâkwîkutîsya kila, Ikyêne kisakukwêga ugwe mmwanya itolo ukuya kisikikisya. Uswe akabalilo kôsa tukwêga môsa isyulasi, umwîsyûgu, ukumpa ugwatusyîla. Unko uswe tukyâge i Kiyabo kyâkwîkutîsya kya Kyala, kangi ega u Mmwegela-Mwanya mbuyo mwa mwegela-pâsi. Umwe mumenye, abêne bôsa-babili bikubômba.

<sup>118</sup> Lilino unko uswe tukéte.

*. . . ukuya balekîgwe ukubuka, abene balinkubuka ku bwinabo bwabo bene, . . .*

Komma ukugomokela ku bapûti. Muketile, kila kyânângîsye abêne bâli nakyo Ikyêne. Abêne bakabûkâga ukugomokela ku kila ikyaiyolo, ikitalale, ikindu kyanyihô kangi, umma; ukugomokela nu kuyoba, “Lilino keta kuno iki abene bâbombile kwa uswe!” Umma, umma. Abene baali ni bwînabo bwâbo bene. Balipo itolo kifuki kalongo-na-babili ba bêne kula, lôli bula bwâli bwinabo bwakufwâna, abanini panandi ubwandukufi bwa bându.

*. . . ukuya balekîgwe ukubuka, . . .*

Ukufuma pâpo abêne babakomile abêne nukubatîlisya abêne, balinkuti, “Linga umwe mokôsyâ mu Ngamu ya Yeso kangi!” Pamo, o, une nâsanusyaga i . . .Ena, uko ko



kutalusya. Muketile? “Linga umwe siku mukulumbililamo mu Ngamu ya Yeso kangi, kilikyosa iki umwe mukubomba, uswe twisakukubāgāga umwe!”

<sup>119</sup> Balinkuti, “Whuu, ikyo kyo kitīlisyo ikinywāmu. Unko uswe tubuke kula ku banine bosa ba bakundwe.” O, iyo yo njila. Mu bumobwēne galimo a maka. Mu mubobwēne galimo a maka. Alinkuti, “Unko uswe tubūke itolo ku bōsa ba bakundwe nukusyāgānia ifi uswe tubagīle ukubōmba.”

<sup>120</sup> Lilino abēne bōsa bikwīsa palikimo nukubūlāna ifyakukīndamo ifikīndānekīndāne.

*... ukuya balekīgwe ukubuka, abene balinkubuka ku bwīnabo buābo bēne, nukupānga fyōsa ifi abapūti abakulumba kangi a bakulumba-ba-kipanga bāyobīle ku bēne.*

*Kangi akabalilo kako abene bāpilike ikyo, abene bafyusisye amasyu gabo kwa Kyala nu bwitikisano bumobwene,...*

Lilino pilikisya iki abene bāyobīle. Kētésya umwēne, kētésya abēne, komma ukugomokela nukuyoba, “O...” ikindikimo ikingi ikya, “O Ntwa, une nsulumenie fiyo...” Umma. Abēne batalile bāpokīgwe. Abēne bālisusīgwe na Mbepo. Abēne bāli nu Būmi bwa Syēpwa.

*... balinkufyusya a masyu gabo... nu bwitikisano bumobwene, kangi balinkuti, Ntwa, ugwe gwe Kyala,...*

Ameni! Une itolo nkiganile ikyo, Nkundwe Palmer. Une nkiganile ikyo.

*... ugwe gwe Kyala (uswe tumenye ikyo) uyu abōmbīle apelile myanya, na pasi, kangi inyanja, na fyosa ifi mu fyene fili:*

*Uyu ukwisila mu ndomo gwa gwambombo gwako Davidi... ulinkuti,...*

<sup>121</sup> Lilino kētésya, ugwe kwisa ukugomokela, utigi, “Lilino, uswe tukaya...” Lilino ugwe bukaga panja pala nukuti, “Ena, lilino, Ntwa, lilino gūlila panandi. Abēne bikutendeka uluseko lwīngi fiyo kwa une!” Ngimba Umwene akāyobīle ukuti abene bikubombaga ikyene?

“Bosa aba bikuya nu bumi bwakyala mwa Kristi Yeso bisakukubilwaga ubufwimigwe.”

“Mulimōsa, umwe mumenye, u bwāna gwāngu ālimbūlile une linga umwēne ālingolile...” Ngimba abēne bakāyobīle abēne bikuyobaga ikyo? “Ena, umwe mumenye, abene bālingolile une mu bulongi ilisiku limo, isya Ilyene.”

<sup>122</sup> Ngimba Umwene akāyobīle, “Umwe mwisakutwaligwāga pankyene pa banyafyale na balagili, panongwa ya Ngamu Yangu.

Ega ni linogono nalimo iki ugwe kwisakuyobága, panongwa yakuti ikyène kikaya ugwe uyu ikuyoba”? Une nkibwène ikyo kiboníke mmayolo. “Umwene yo Mbepo Mwikemo uyu ikwitügásya mwa ugwe; Umwene isaku ikubomba ubuyobi.” Muketile, “Umwene.” Uko ko kotalusya. Umma ndaga. “Ega ni linogono nalimo iki ugwe kwisakuyobága.”

*Ntwa, ukwisila... Yūyo ukwisila mu gwāko... ndomo gwa mbombi gwako Davidi ubōmbile ayobīle, Nongwa ya fiki abapānja balinkubuna, kangī abāndu balinkwīnogonela ikīndu kyaitolo?*

*A banyafyale ba kīsu bālimīle, kangī abalagili... balībūngenie palikimo ukulwana nu Ntwa, kangī ukulwana na Kristi.*

*. . . ikya bwānalōli, Ntwa, ukulwāna nu mwāna gwāko umwīkemo Yeso, yūyo ugwe utalile upakīle, bosa-babili Herodi, kangī Pontius Pilate, na Bāpānja, kangī a bāndu ba Israeli, . . . bībūngenie palikimo,*

*Kabuno ukubōmba kalikōsa aka ikiboko kyāko kangī ulufūndo lwāko luli lulisimikisīgwe bo kikāli ukubōmbigwa.*

O, mwe! Une nkiganile ikyo. “Ntwa, abēne bikubomba itolo ikīndu kilakila iki Ugwe uyobile abene bikubombaga.” Ngimba i Bāngēli libagīle ukuyoba fiki? “Mmasiku ga bumalikisyo, bisakwīsa abafyugīla; ba’ntu, bamahala, bagana ifyakusangulusya ukukinda ukuya bagana ba Kyala; basitakusūbilīgwa, abalēyēli babusyobi, bamatāti, bamahelu pa aba banunu; ukuya nu luko lwa bunyakyala, loli ukupīka. . .” Abēne bakābūkīlemo siku mmwanya mula nukwāmbilīla a Maka: “. . . ukufuma pāpo u Mbepo Mwikemo isile pa umwe.” “Ukuya nu luko lwa bunyakyala, loli ukupīka a maka aga galimo: ukufuma ku luko ulu sōkako.” Ikyo kyo iki u Mbepo Mwikemo ali. Muketile?

*. . . iki kyo kisisimikisīgwe . . . ukubōmbigwa.*

*. . . lilino, Ntwa, keta indetetemesyo syābo: kangī— kangī paga ku bambombo bako, ukuti nu bukifu bōsa uswe tubagīle ukuyoba i lisyu lyāko,*

O, une nkiganile ikyo! Sosyāpo kila ikyaiyolo ikifupa ikyōnywa kangī bīkapo ikifupa kyapanyuma ikyānaloli nkati mula. Lilino kētèsya apa.

*. . . uswe tubagīle ukuyoba amasyu gāko,*

*Ukwisila mu nyololosya pānja ikyāko ikiboko ukubūmbulusya; . . .*

O, nkundwe! Imisyétano gitikufwa, loli u Mbepo Mwikemo atikufwa yōpe. Muketile?

*. . . ukunyololosya pānja ikyāko ikiboko ukubūmbulusya; . . . ukuti ifimanyilo ni fiswīgo fibagīle*

*ukubōmbigwa ukwisila mu ngamu ya mwanundumiana  
gwāko umwīkemo Yeso.*

Umwe mukukēta iki abēne batatikana ngapo, bule umwe? Abēne bikubomba ikindu kilakila umwisyugu, loli icyene kitikubomba na panandi itolo.

*Kangi akabalilo kako abene bāliputīle, ubuyo  
bwasenyendekaga kūko abene bālibungenie palikimo;  
kangi abene bosa baalisusigwe na Mbepo Mwikemo,  
kangi. . . balinkuyoba ilisyu lya Kyala nu bukifu.*

123 Whuu! Mwe! Abene balinakyo i kindukimo akabalilo kāko abene bābukīle kumwanya kula, bule abene? U lufingo lwáyobile ikyo kyo iki u Mbepo Mwikemo ali, ukupa ugwe ubukifu, ukupa ugwe ubusūbisi, ukukufūngīla ugwe, ukupa ugwe ikimanyilo. O, mwe!

124 Pilikisya. O, ngunyonywa uswe itolo twāli na kabalilo, uswe twabagīle ukubūka kula na Filipu ku baSamaria. Mu Imbombo 8:14; umwe mwesa mwe mukukibika icyene pāsi. Abēne bālyāmbilīle ubuhobofu ubukulumba, abēne bāfumile pakuya nu bubumbulusyo ubukulumba, lōli abēne bālyōsīgwe mu Ngamu ya Yeso Kristi. Loli abene balinkutuma kula ku Yerusalemu, ukummwaga Peteri; umwene ikwisa pasi nukubīka amaboko pa bēne, kangi abēne bālyāmbilīle u Mbepo Mwikemo. Imbombo 8:14.

125 A Bāpānja, ālipo yumo ni ngamu ya Korneli. Umwēne āli nnyāmbāla unswīgīsyē, āhōmbāga ifyakalōngo, āyēngāga amasunagōgi kuli abāndu, āyīndike Kyala, ātilāga Kyala; u nnyambala unnunu, un’Presbeteri unnunu, Methodisti, Baptisti, pamo ikindukimo ikingi, muketile, unnyambala unnunu fiyo. Loli ilisiku limo, Kyala alinkuti, “Umwene yo nnyambala unnunu; polelo une ngutumaga itolo umwene ku lukomano. Une ngwisakufimbilisigwaga ukumwega undumbilili gwangu ukukilania apa nukumbula umwene isya Ikyene.” Umma ndaga.

Popāpo umwēne alinkuyibona i mboniboni, yilinkuti, “Būka sulukila ku Yōpe, kangi ugwe kwisakumwāga yumo pāsi kula ugwangamu ya Simoni, u mpala-fipapa. Kangi alipo yumo, Simoni Peteri, nkati mula. Unko umwēne ise kunokuno kuno; umwēne isakukubūla ugwe injila, panongwa yakuti umwēne āmbilīle ikindukimo.”

126 Kangi akabalilo kāko Peteri ālīmīle pamwanya pala. . . Kangi Korneli ābūkāga ukummwīpūta undumbilili yula. Umwēne āli. . . Loli Peteri alinkuti, “Imilila mmwanya. Une ne mundu bo ugwe guli.”

“Kangi akabalilo kalakala Peteri ikuyoba a Masyu aga,” isya mumo abene bagomokile, m’bwandilo ku. . . Ifindu filafila une nguyobapo, mumo Kyala āfingīle ukōneléla mōsa u Mbepo Mwikemo. “Akabalilo kōsa umwene ayobege a Masyu aga, u Mbepo Mwikemo alinkugwa pa bene.” Whuu! Ena. Ikyo kyo iki u

Mbepo Mwikemo ali, yūyo Ikyēne kyo kyāke. Naloliloli. “Kangi abene bosa baalisusigwe na Mbepo Mwikemo.”

<sup>127</sup> Lilino kētésya mu Baefesi, ālipo u nkundwe gwa kiBaptisti. Umwēne āli gwandagilo gwākwānda, gwāmahala, unnyāmbala gwaminogono, amēnye u lulagilo; unnyāmbala unkulumba, ugwasukulu. Ilisiku limo umwēne alinkwānda ukubala i Bāngéli, kangi umwēne ākētīle pala ābagīle ukwīsa yumo ni ngamu ya Mesiya. Kangi akabalilo kako umwene abombege ikyo, fiki, umwene alinkwanda ukupilika isya Yeso, kangi umwene alinkuti, “Une mbilikisye. Kangi une ngwifumunya pabwelu u lwitiko lwangu ukuti Yeso yo Kristi, u Mwanundumiana gwa Kyala.” Umwēne āli gwa Baptisti gwanaloliloli. Apa umwene alinkwisapo, “Une ngwifumunya pabwelu ukuti Yeso yo Kristi.” Umwene alinkubūka ukubomba ikyēne fiyo mpaka Kyala alinkolile umwene mbutumigwe. Kyala bwila ikuyoba ku ndumbula iyabwanaloli.

<sup>128</sup> Kangi pala ālipo u nnini ugwayiolo untendeka-fihema pāsi pala ugwa ngamu ya Akwila na Prisila, u ndume nu nkasi. Abēne ba batendeaka-fihema. Imbombo untu gwa 18, ikukubūla ugwe isya ikyēne. Pauli, abēne bāli bīnāke ba umwēne. Abēne bālyāmbilīle u Mbepo Mwikemo pāsi pa maboko ga Pauli nu bumanyisi bwāke.

Abēne bāpilike ukuti lwāliko uluyigo ukukilania kula, popāpo abēne balinkubūka kula. Bālipo pala itolo kifuki kalongo pamo kalongo-na-babili bisilepo pa lwēne. Polelo umwene alinkubuka kula ukukéta ku kyene, kangi umwene alinkupilika undumbilili uyu ikulumbilila, ubwanalolindumbula bwa ndumbula yake. Umwene alinkuti, “Umwe mumenye, une ngwitika umwene ikupilikilaga u Bwanaloli.”

Polelo ukufuma bo bulumbilili bumalike, umwene alinkunkólela umwene ukusyungutila kunyuma kwa kihema, kangi alinkuti, “Kēta, uswe tulinayo unkūndwe unnini kifuki ubutali ubu, unnini unniongale-mbulu u n’Juda, kangi, lōli akabalilo kāko umwēne ikwisako kuno, umwēne isakukumanyisya ugwe i Lisyu Iya Kyala, pabwelu.” Ena, ukufuma pa kabalilo...

<sup>129</sup> Pauli āli mu minyololo ku kabalilo kalakala. Ubuyo ubunyali fiyo ku ndumbilili ugwa masiku aga, bule ikyēne? Loli umwene aali mu minyololo, kangi u Ntwa aali nayo umwene nkati mula. Popāpo ukufuma bo akasenyēnda kisile, ukuyugānia i nyumba ya minyololo pāsi, umwēne alinkwēga unsikali gwa minyololo na bakunyuma bāke nukubōsya abēne bōsa, mu Ngamu ya Ntwa Yeso, nukunyamuka, ukwisa pala.

Kangi umwēne āfumīle itolo ukukāga u mōhēsī panja pa kanini, akaiyolo akalīndwāna pāsi pala kakuyoba ubulagusi. Kangi, polelo, abēne bapelaga i kilūndiko kya hela ukwisilamu mwēne, popāpo umwēne itolo alinkuywēlula ubukomu bwābo,

polelo palapala abene balinkumbika umwene mu minyololo panongwa ya icyene. Kangi u Ntwa āsenyendīle iyaminyololo pāsī, panongwa yakuti Umwene āli ni kipambo kya bandu kwisilya kula ukupilika u Bwanaloli. Ugwe ukabagila ukupinya i Lisyu lya Kyala. Apo po . . . Kisita kupāsya fiki, ugwe ukabagila. Ugwe itolo ukabagila ukubomba icyene.

<sup>130</sup> Popāpo umwēne ikwīsa ukukilania kula kūko unnyāmbala uyu āli. Kangi Akwila na Prisila, lumo abēne bāli nato utusyēsyē. Kangi palapala mbibimbibi ukufuma pakuti utusyēsyē twaligwe, alinkuti, “Uswe twīsa kubukàga ukukilania ku luyigo.”

Pauli itugesye kunyuma kula nukukolelela akaselekesye kake akanini, nukupilikisya ku ndumbilili gwa ki Baptisti ikulumbilila.

Umwene alinkuti, “Tkyo kyo kinunu, iki ugwe kulumbilila, loli filipo fimo ifyakōngelelāpo ifya Ikyene.” Alinkuti, “Une ngulonda ukukulalusya ugwe ililalusyo, Dok. Apollo. Ngimba umwe mwāmbilīle u Mbepo Mwikemo ukufuma pāpo umwe mwālitīke?”

“O,” umwene alinkuti, “uswe tukāmenye ukuti kali ālipo. Ngimba ugwe kusanusya fiki, ukuti ‘u Mbepo Mwikemo’? Uswe twe kiBaptisti.”

Alinkuti, “Umenye bulebule ugwe uli gwa Baptisti?” Muketile?

“Ena, uswe tosīgwe. Uswe tumenye itolo u losyo lwa Yohani.”

Umwēne alinkuti, “Umwēne ālyōsīsyē itolo ku lupīnduko, ikuyoba ku ‘itika pa Mwēne ikwīsa,’ ikyo kyo pa Yeso Kristi.”

Kangi akabalilo kako umwene āpilike iki, abene bosigwaga kāngi, mu Ngamu ya Yeso Kristi. Kangi Pauli alinkubīka amaboko gāke pa bēne, kangi u Mbepo Mwikemo alinkwisa pa bēne, kangi abēne balinkuyoba mu ndimi nukusolola. Lilinkuti, “aligwesa.”

<sup>131</sup> Lilino, lilino, ngimba uswe tukubōmbàga bulebule icyēne? Une ngulonda ukukubula ugwe ikindukimo, polelo une . . . Uswe tukwigalaga, panongwa yakuti, icyene kyo, une mbabulile umwe une mbagīle ukubasōsyāga umwe nukwandana. Umwe mumenye iki u Mbepo Mwikemo ali. Ku Lisimbo lyābumalikisyo kuli ikilo iki . . . Une ndinakyo ikipambo ikingi pāsī apa, lōli uswe tukufmbilisigwāga ukōmōla ikyo. Unko uswe tusanukīle kula ku Bakorinti Bakwanda 12. Kangi polelo uswe twisakubala iki, kangi polelo uswe twisa—uswe twisakwīgāla. Umma ndaga. Bakorinti Bakwanda, untu gwa 12.

Balinga bikwitika ubumanyisi bwa Mwīkēmo Pauli? Naloliloli! Umwēne āyobīle, mwa Galatiya 1:8, “Linga u Gwāndūmi āmanyīsyē kalikōsa akakīndāne, unko umwēne

ayege ngunígwe,” unko mwēne undumbilili yōpe. “Linga u Gwāndúmi ukufuma ku Mwanya ikwisa pási nukumanyisya kalikōsa akakīndáne, unko umwēne ayege ngunígwe.” Muketile, kikaya nakyō nakimo ikyakubomba ni kyene.

<sup>132</sup> Lilino kētésya iki, Bakorinti Bakwanda 12. Balinga—balinga bamenye ukuti uswe tukufimbilisígwa ukuya mwa Kristi ukuti tubūke mu busyūke, panongwa yakuti ugwēne go Mbili Gwāke ugu Kyala āfingile ukususya? Yikayapo i njila nayimo. Yikayapo injila iyingi, linga ugwe uli panja pa Kristi.

Ugwe ubagile ukuketa kunyuma *apa* nu kwitika pa Mwene, utigi, “Naloliloli, une ngumwitika Umwene. Umwene yo Mwanundumiana gwa Kyala.” Kinunu, nkundwe gwangu, une nitendekisye ukuponania ikiboko kyako akabalilo kako ugwe kuyoba ikyo. “Une ngwitika pa Mwene. Une ngumfumusya Umwene ukuya Mpoki gwangu.” Ikyo kyo kinunu, loli ugwe ukāli ukaya mwa Umwene. “Une nguponiaga ifiboko nu ndumbilili. Une ngufumusya imbibi syangu.” Ikyo kikāli kikaya mwa Mwene.

<sup>133</sup> Lilino kētésya, kēta iki Pauli āyobīle, mūmo umwe mukuyīla mwa Kristi. Ngimba ugwe kwisakumanyigwāga bulebule ukuya bubūtígwe? Abrahamu, abene balinkupa ikimanyilo. Pilikisya ku iki lilino, Bakorinti Bakwanda, untu gwa 12, kangī unko uswe twande pa linandi lya 12.

*Namanga bo mūmo u mbili go gumogwēne, kangī guli ni mbakasya nyīngi, kangī syōsa . . . imbakasya sya mbili gumogwēne gula, ukuya nyīngi, fili mbili gumogwēne: momumo yōpe yo Kristi. (Komma ukutapulania. “Yumoywene!”)*

Pilikisya. “Kabuno ukwisila nkipanga kimokyēne”? Balinga aba bikubala kunyuma kwa une? “Nu luponio lwa kiboko lumolwēne”? “Na mīsi gamogēne”? Umma. Polelo umunduyumo yo nsobi.

“Nu Mbepo yumoywene!” Ngimba ikyene kyo kikulumba? Uyo yo, “Mbepo Mwikemo,” polelo. Muketile?

*. . . ukwisila mwa Mbepo yumo uswe twesa tōsígwe mu mbili gumogwene, kali uswe tuli baYuda pamo Bāpánja, kali uswe tukuya batumwa pamo bābuke; kangī tufumile twēsa ukupeligwa ukunwa mwa Mbepo yumoywēne.*

<sup>134</sup> U Mbili gwa Kristi yo Mbepo yumoywene, kūko u mbakasya aligwesa, ukufuma ku Pentekosti ukubuka ku kabalilo aka, ikunwa ukufuma u Bwālwa ubupya bulabula, u Mbepo Mwikemo yulayula, ukutwala panja ifyakukōnga fimofyene. Ngimba uswe tukubōmbāga bulebule ikyēne? “Nu Mbepo yumoywene.”

Ikyene kyo kifigo kya Kyala ikīguke, u Mbepo Mwikemo. Ngimba Ikyene kyo fiki? Ikyene kyo kifigo kya Kyala ikīguke.

Ikyēne kyo kimanyilo. Ikyēne kyo kifūngilo. Ikyēne kyo Nsūbisi. Ikyēne kyo u Njóbèli. Ikyēne kyo busisimikisyo. Ikyēne kyo butūsyo. Ikyēne kyo lutengano. Ikyene kyo bununu. Ikyene kyo bubumbulusyo. Ubwene bo Bumi. Ikyene kyo—Ikyene kyo kifigo kya Kyala kikwiguligwa ku findu fyosa ifi. Ikyene kyo kifigo ikiguke kya Kyala kwa Kristi, iki kili. . .

Kyala asisimikisye ukuti Umwene afyusisye mmwanya Yeso ukufuma ku bafwe, kangi bala baabo bafwiile mwa Kristi isa Kyala ukutwaala nu Mweene ku busyuuke. “Somma ukunsulumanisya Mbepo Mwikemo kuko umwe mufūngigwe mwa Kristi mpaka ilisiku lwa kutabuligwa kwinu.” Whuu! Balinga bikwitika ikyene?

<sup>135</sup> Ngimba Kristi yo fiki? Ngimba u Mbepo Mwikemo yo fiki? Ikyene kikaya kindukimo iki abandu bikuseka. Ikyene kyo kindukimo iki abandu bikuseka; loli ikyene kikaya, kwa mwitiki.

Ku basitakwitika! Une ngunyonywa une nāli ni milungu mitali mibili pamo mitatu, Une ngulonda ukwegga kilabo nkilo nukubabula umwe iki Ikyene kili ku basitakwitika. Unko une mbopemo itolo ukukīndamo, itolo a kabalilo ka kabalilo. Ikyēne kyo kyakusekigwa. Ikyēne kyo kipīngo. Ikyēne kyo lyalabwe lwakwitabaniapo. Ubwēne bo bufwe. Ubwēne bo bupāguligwe bwa Syepwa ukufuma kwa Kyala. Une itolo ngabagila ukwinogona isya findu ifi Ikyēne kyo kili ku nsitakwitika!

<sup>136</sup> Kumbukilaga, ifula yilayila iyi unsitakwitika ayūgīlile, yāli fula yilayila iyi yālimpōkīle Noa ni kikolo kyāke. Muketile? U Mbepo yulayula, Mbepo Mwikemo uyu abāndu bikūgila kangi ikuyoba yo “basyut’untu, kangi ikipambo kya manāti, Ikyene kyo busyutano,” Ikyēne kyo kīndu kilakila iki kisaku Nyakila i Kipanga nukwēga Ikyēne ku masiku gabumalikisyo; kisakutwalaga u bulongi pa basitakwitika. Uko ko kotalusya. Ikyo kyo iki u Mbepo Mwikemo ali.

<sup>137</sup> Basayigwa bo bene...Ndiyoba une iki, bwanaloli-ndumbula bwa ndumbula yangu. Basayigwa bo bene aba bikuya ni njala ni kyumilwa kuli Ikyene, kabuno abene bisakwikutisigwaga.

<sup>138</sup> Kilabo nkilo uswe tukuyobaga isya bulebule, iki Ikyene kikubomba akabalilo kako Ikyene kikwisa.

<sup>139</sup> Lilino, balinga muno bikulonda ukwambilila Mbepo Mwikemo, kangi bikulōnda umunduyumo ukwīputila ugwe, ukuti ugwe kwisakububonaga u Bwēlu?

Umwe mumenye “iki Ikyene kili.”

Lilino, kilabo nkilo, uswe tukwegaga, “iki Ikyene kikubomba.”

<sup>140</sup> Kangi polelo ikilo ikinine, kyo, “akāmbililo ka Ikyene.” Polelo uswe tukuyaga pakukōlela nkati, ukuya na bāndu apa bamanyisigwe, kangi ukubūka mulamula nkati mfyūmba nukusyāla apa, linga ikyene kikwega mosa ukukīndilila Krismasi, uko ko kotalusya, mpaka u Mbepo Mwikemo ikwisa. Uswe tukuyaga pakusegelela ku Kyēne ukufuma ku bwamahala, ulwālo lwa i Bāngèli. Uswe tukusegelela ku Kyene nu kwega Ikyene itolo bo lūlo Kyala āfīngile Ikyene, kangi Ikyene kyāgwile ku bwandilo. Iyo yo njila iyi uswe tuli apa ukubomba ikyene. Une. . . Ikyene kitikupela ubukīndāne bulibosa iki kilikyōsa kikuyoba, uswe tuli. . .

I Lisyu lya Kyala lyo. . . lyēgile ubufumuke mu ndumbula yāngu. Uko ko kotalusya. Kangi une ngulonda iki Kyala alinakyo kuli une. Linga kilipo kilikyosa ikingipo, igula Kumwanya, Ntwa, panongwa yakuti indumbula yangu—yangu yigwike panongwa ya kyene. Uko ko kotalusya.

<sup>141</sup> Balinga bikulonda Ikyene? Lilino fyusya ikiboko kyako, yoba, “Nyīputila une.” Lilino, akabalilo kāko ugwe kusyāla, na maboko gīnu mmwanya.

Tāta Gwakumwanya, uswe twamanyisyāga akabalilo katali. Lōli u Mbepo Gwāko ali apa. Galipo amaboko aga gali mmwanya lilino. Kangi abene bamenye iki Ikyene kili, abene bamenye iki u Mbepo Mwikemo ikusanusya. Une ngusuma, Kyala, ukuti bo lukāli ulukomano ulu lukamalika, ukuti ikiboko kilikyosa muno kisakufyūsigwāga ukuti abēne bāmbilīle Ikyene. Tupaga ikyene, Ntwa.

<sup>142</sup> Uswe tukwīputila abēne. Uswe tukusuma Ugwe ukubasaya abēne, nukubapa abēne ikinyonywo kya ndumbula syābo. Keta amaboko gabo, Ntwa. Abene bakuganile Ugwe. Abene bikukilonda Ikyene. Abene bamenye abene bakabagila ukubuka. . . Kilabo nkilo, linga Ugwe kundulaga une, Ntwa, uswe tubagile ukusisimikisya ikyēne mu Lisimbo ukuti abēne batisakupelamo siku u Bunyakiligo kisita Kyēne. Popāpo une ngusūma, Tāta, ukuti Ugwe kwisakubapāga abēne bānjāla kangi bakyūmilwa, ukuti abēne babagile ukwīsusigwa. Une ngubatwala abene kwa Ugwe lilino, Tāta. Kangi, tupaga aba isayo, bo uswe tukusuma mu Ngamu ya Yeso. Ameni.

Une nunganile Umwene, une mbaganile  
Umwene  
Panongwa yakuti Umwene alinganile une  
Kangi ālyūlīle ubupoki bwāngu  
Pa mpiki gwa Kalvari.

<sup>143</sup> Une ngulonda ukuyoba iki bo tukāli uswe ukwīmba kangi. Une ngulonda ukwagana ni kipambo kya balumbilili nkyumba muno, Kihano ikilo, bo ububombelo bukānda, muketile, Kihano ikilo. Une. . .



Umwe mukuketa ifi une ngugela ukubomba? Ukunāngisya iki Ikyene kili, akasegelèlo kāke ku Kyene kangi ku luyindiko luki; polelo ugwe utikwisaga nubufwamaso, ukutika mu kindukimo. Iyo yo nongwa une ngalalusyamo siku ikyene ikilo iki. Une ngulōnda umwe ukumanya iki Ikyēne kili. Ulwēne lo lufingo. Ikyēne kyo kifūngilo. Ikyēne kyo Nsūbisi. Ikyēne kyo fyōsa bo ifyo.

Polelo, kilabo nkilo kangi ikilo ikikōnge, polelo uswe tukwandaga palapala polelo, ukufuma pala ukukindilila, mpaka Ikyene kikwisa. Komma ukupāsyā bo butali bulebule ikyēne kikwēga; uswe tukusyālāga mpaka. Suka indumbula yāko. Umwēne atisakōnelelāga Ikyēne mu ndumbula insitakusuka. Yaga ntalusye, yaga ntendekesye, kangi Umwēne isakupa ikyēne.

Une nunganile Umwene, une mbaganile  
Umwene

Unko uswe tufyūsye amaboko gītu lilino.

Panongwa yakuti Umwene alinganile une  
Kangi ālyūlīle ubupoki bwāngu  
Pa mpiki gwa Kalvari.

U ntimi ayobīle itolo, kangi uswe tukwitikisania, ukuti kilabo nkilo uswe tukwandaga ku ihano-na-ibili mbuyo bwa ihano-na-ibili-na sinda-gwa-sala. Kangi ikyo kisakunyītikīsyā une ukukwītikīsyā umwe pānja pa lwele-na-sinda-gwa-sala mbuyo bwa lwēle-na-kimo-na-sinda-gwa-sala. Pa ihano na ibili- . . . Pa sala ihano-na-ibili, kilabo nkilo, u lukōmāno lwa nyīmbo lukwāndāga. Une nguyaga pa Ndumi yangu pa ihano-na-ibili-na-sinda-gwa-sala.

Une nunganile Umwene,

Unko uswe tusōsye panja ififunda fyītu nukuyūgānia ku Mwēne.

Une nunganile Umwene

Itolo bongotolaga pāsi ulwīho ulwabubūmbe lilino!

Panongwa yakuti Umwene alinganile une  
Kangi ālyūlīle ubupoki bwāngu  
Pa mpiki gwa Kalvari.

Umma ndaga, untimi gwinu lilino, Nkundwe Neville.



*NGIMBA U MBEPO MWIKEMO YO FIKI?* KYA59-1216  
(What Is The Holy Ghost?)

U MBEPO MWIKÈMO IMBÀTIKANO

Ubulumbilili ubu butwaligwe nu Nkundwe William Marrion Branham, ubu pakwanda bwatwaligwe nki Ngereza pa Kitatu namayolo, Disembala 16, 1959, ku Branham Tabernacle mu Jeffersonville, Indiana, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2023 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)